

## Siunnersummut oqaaseqaatit

### Nalinginnaasunik oqaaseqaatit

#### 1. Aallarniut

Siunnersuut siunertaqarpoq atortulersuutinut qorsuusunut ikaarsaariartornerup ilassutissaatut. Annertuunik periafissaqarpoq nunami maani nukissiuutit piujuannartitsinermik tunngaveqartut suli annertunerusumik iluaquqtigineqarsinnaanerinut, nukissiuutillu pineqartut iluaquqtigineqarnerisigut tamanna aningaasarsiornermut avatangiisillu illersorneqarnerinut atatillugu iluaquissartaqarfiulluarluni. Nukissiuutinik atuinerup atortulersuutinut qorsuusunik taaneqartartunut ikaarsaariartortinneqarnera pisariaqarpoq nukissiuutinik atuinerup naammassisaqarfiunerulerteratigut aammalu nunap piinik ikummatisanik soorlu aamarsuarnik, gas-imik uuliamillu atuinermit nukissiuutinut piujuannartitsisunut - soorlu erngup nukinganut, seqernup qinngornerinut aamma anorisaatinut ikaariartornikkut. Inatsisisatut siunnersuut una aqqutigalugu nunatsinni nukissiuuteqarnikkut pilersuinerup ilaa allanngortinnejassaaq nunap piinit ikummatisaniit erngup nukinganik iluaquuteqarluni nukissiuuteqarnermut.

Nukissiuutinik atuinerup naammassisaqarfiunerulersinneratigut aammalu nukissiuuteqarnermik allannguinikkut nunap piinik ikummatisanik pisariaqartitsineq appariaateqassaaq. Taamaasillunilu ikaarsaariartortoqassaaq aningaasarsiornermut ikummatisanik pisariaqartitsiviunngitsumut. Nukissiuuteqarnikkut ingerlatsinernut qorsuusumut ikaariartornikkut uuliap akiata allanngorarneranit sunnersimaneqartarneq peerneqassaaq, kiisalu aamma niuernikkut aningaasarsiornermi oqimaaqatigissitsineq pitsanggorsarneqassalluni.

Suliniutit nalilerneqartut nukissiuutinik piujuannartitsisunik atuinerup annertunerpaamik iluaquqtigineqarsinnaaneranik, tassaapput Nuup erngup nukinganik iluaquuteqarluni nukissiuuteqarnikkut pilersorneqarnera, kiisalu erngup nukinganik iluaquuteqarluni nukissiuuteqarfimmik Qasigiannguanut aamma Aasiannut pilersuisussamik pilersitsinissat. Ataatsimut suliniutit pineqartut peqataassapput Kalaallit Nunaata nukissiuutinik piujuannartitsisunik atuinerata 70 pct.-it missaanniit 90 pct.-it missaannut annertunerulernissaanut. Tamannalu Kalaallit Nunaata CO<sub>2</sub>-mik aniatitsinerata appariaatigissavaa 114.000 tons-it missaannik 2030-imi.

Ilanngullugulu aamma pisariaqarpoq Nuup nukissiuuteqarnikkut pilersorneqarnerata aningaasaliiffigineqarnissaa, illoqarfiup suli annertusiartuinnartumik nukissiuuteqarnikkut

pisariaqartitsinera naammassineqarsinnaaqquullugu. 2010-miilli taseq nukissiuuteqarnermut imeqarfiusoq tatsimut imermit kuuttartumiit annerusumik atuiffiulersimavoq.

Naatsorsuutigineqarpoq 2024-imiit tatsimi imeq annikippallaalersimassasoq, nukissiuuteqarnikkut tamakkiisumik pilersuisinnaanermut, aammalu nukissiorfik allineqanngippat, tamatumalu saniatigut Kangerluarsunnguup Tasiata aamma Isortuarsuup, akornanni sulluliortoqanngippat pisariaqalissalluni nunap piinik ikummatisanik atuinerup atorneqaleqqinnissaa.

Nukissiuutinik piujaannartitsisunik atuinermut ikaarsaernerup nunatsinni qorsuusunik nukissiuuteqarnikkut peqataaffigissavaa nunatta nunat tamalaat akornanni FN-imi nunarsuarmiut piujaannartitsisumik ineriartortitsinerisa ilalersorneqarnissa, nukissiuutinik piujaannartitsisunik nunatsinni ineriartortitsinitigut. Tamatumani ingammik pineqarpoq anguniagaq 7 piujaannartitsisumik nukissiuuteqarneq, anguniagaq 9 suliffissuaqarnikkut piujaannartitsineq, ineriartortitsineq aamma attaveqaasersuineq kiisalu anguniagaq 13 silaannaap pissusaanut atatillugu suliniuit.

Inatsisisatut siunnersuutikkut aalajangersarneqarput killiliussatut atugassarititaasussat, erngup nukinganik iluaquteqarluni nukissiorfissanik sanaartorernut, aningaasalersuinissanut aamma ingerlatsinernut, Nuumut kiisalu Qasigannguanut Aasiannullu pilersuinermut atatillugu, tamatumanissaq nammineq aningaasalersuisinnaaneq aamma avataaniit aningaasalersuisitsisinnaaneq.

### *1.1 Tunuliaqutasut*

Naalakkersuisut november 2017-mi akuersissutigaat Nukissiuuteqarnermut Imermillu Pilersuinermut Immikkoortumut Pilersaarut. Immikkoortumut pilersaarummi anguniakkat pingaarcerit tassaapput nukimmik pilersuinikkut aaqqissuussinerit nutarterneqarnissaat, aamma nukissiuutinik piujaannartitsinermik tunngavilinnik sumi tamani tamatumunnga periarfissaqarfiusuni atuilernissaq. Taamaasillunilu pisortat nukissiuuteqarnikkut pilersinerat sapinngisamik annertunerpaq 2030-imi sapinngisamik nukissiuutinit piujaannartitsinermik tunngavilinnit tunniunneqartalersimassaaq. Tamatuma saniatigut immikkoortumut pilersaarut pingaernertut anguniagaqarpoq peqataanissamik Kalaallit Nunaanni sumiluunniit innaallagissamut imermullu akit appasisuunissaasa qularnaarneqarnissaannut.

Anguniakkallu pingaarcerit saniatigut aamma anguniakkat immikkoortut 35-it ilaattut marlunni ersippoq suliaqartoqassasoq aalajangiiffigisassatut siunnersummiq erngup nukinganik iluaquteqarluni Qasigannguit aamma Aasiaat nukissiuutinit pilersorneqalernissaat pillugu suliaqartoqassasoq (anguniakkat immikkoortuat 12) kiisalu aamma illoqarfinni maanna erngup nukinganik nukissiorfeqarfiusuni arfinilinni aningaasalersuisoqassasoq qularnaarumallugu erngup nukingata eqqakkanik ikuallaaneq ilanngullugu aammalu nukissiuutit piujaannartitsinermik tunngavillit allat ilanngullugit illoqarfinni innaallagissamik kiassaanermillu pisariaqartitsinermik tunniussisinnaassasut (anguniakkani immikkoortoq 11).

Tamanna tunuliaqutaralugu ukiuni arlaqartuni sulissutigineqarsimavoq Qasigiannguit aamma Aasiaat erngup nukinganik iluaquteqarnikkut pilersorneqalernissaannut aalajangiiffigisassatut siunnersuut, kiisalu aamma Utoqqarmiut Kangerluarsunnguanni erngup nukinganik nukissiorfiup Nuummut pilersuisup allineqarnissaa.

Tamatumunnga atatillugu Inatsisartut 2019-imi ukiakkut ataatsimiinnerminni akuersissutigaat Naalakkersuisut peqquneqarnissaannut siunnersuut, sulissutigeqqullugu Qasigiannguit aamma Aasiaat erngup nukinganik iluaquteqarluni nukissiorfeqalernissaannut sanaartornissamut pilersaarusiornissaq, kiisalu erngup nukinganik iluaquteqarluni nukimmik Nuup pilersorneqarnerata annertusineqarnissaa (UKA 2019/153). Siunertaasoq tassaavoq erngup nukinganik iluaquteqarluni nukissiuuteqarnikkut suliniutip nukissamik piujuannartitsinermik tunngavilinnik atuinerup annertusineqarnissaa. Aalajangiiffigisassamut siunnersummullu ilanngullugu suliarineqarpoq ilanngunneqarlunilu “Nassuaasiaq Qasigiannguit aamma Aasiaat erngup nukinganik iluaquteqarluni nukimmik pilersorneqalernissaannut, kiisalu Utoqqarmiut Kangerluarsunnguanni erngup nukinganik iluaquteqarluni nukissiorfiup Nuummut pilersuisup allineqarnissaa pillugu”.

Aningaasarsiornikkut nalorninartut COVID-19-ip kingunerisaanik pilersut pissutigalugit taamanikkut Naalakkersuisuusut 2020-ip aasaani aalajangerput suliniummi inuiaqatigiinni aammalu ingerlatsinermut aningaasarsiornerup attanneqarsinnaassusii naatsorsoqqinneqassasut, kiisalu aamma Namminersorlutik Oqartussat tigoriaannarnik aningaasaateqarneranni suliniutip kingunerisinnaasai naatsorsoqqinneqassasut. Tamanna tunuliaqutaralugu 2020-ip ukiaani erngup nukinganik iluaquteqarnikkut nukissorfiliornissami inuiaqatigiit aningaasarsiornerannut sunniutaasinnaasut COVID-19-ip kingunerisai tunngavigalugit naatsorsoqqinneqarput. Naatsorsueqqinnerit suliarineqarput avataaneersunit siunnersortinit NIRAS-imeersunit aamma PwC-meersunit.

## **2. Siunnersummi tunngaviusut pingarnerit**

### *2.1 Inatsisit atuuttut*

Kalaallit Nunaanni nukissiuuteqarnikkut atugassarititaasuni inatsisitigut killiliussat siullertut pingarneritullu nukissamik pilersuineq pillugu Inatsisartut peqqussutaat nr. 14, 6. november 1997-imeersumi, nukissamik pilersuineq pillugu Inatsisartut peqqussutaata allanngortinneqarnera pillugu Inatsisartut peqqussutaat nr. 9, 15. november 2007-imeersumi (Atassusernermut akiliutinik akileeqqusinermut tunngaviusoq), aamma Nukissamik pilersuineq pillugu Inatsisartut peqqussutaasa allanngortinneqarnera pillugu Inatsisartut inatsisaat nr. 41, 23. november 2017-imeersumi (Ataasiakkaarluni kiassarnermut uuttuutit) (matuma kingornagut “nukissiuutinik pilersuinermet peqqussut”) allanngortinneqartumi aalajangersarneqarput. Tamatumalu saniatigut Inatsisartut peqqussutaat nr. 2, 31. oktober 1991-imeersoq, kiassaanermi erngup nukissiorfiata Utoqqarmiut Kangerluarsunnguaniittup pilersuiffiani kiassaateqarfinnut innaallagissamit kiassarneqartunut (elektrokedler) attavilersinnissamik pisussaanermut tunngasoq

allangortinneqartoq, allangortinneqartoq Inatsisartut peqqussutaata kiassarnermi erngup nukissiorfiata Utoqqarmiut Kangerluarsunnguaniittup pilersuiffiani kiassaateqarfinnut innaallagissamit kiassarneqartunut (elektrokedler) attavilersinnissamik pisussaanermut tunngasup allanguuteqartinnera pillugu Inatsisartut peqqussutaat nr. 3, 16. maj 2008-imeersoq (Nukissiorfiit namminersortunut aamma pisortanut kiassaateqarfinnut innaallagissamik kiassarneqartunut (elektrokedler) attavilersinnissamik pisussaaffiliinissaminnik periarfissaqalissapput) (matuma kingorna attavilersittarnermut peqqussut") aqqutigalugu.

#### *2.1.1 Pingaarnertut aqutsinermut maleruagassat atuuttut pillugit*

Nukissiuutinik pilersuinermut peqqussut imaqarpoq Kalaallit Nunaanni nukissiuutitsigut pilersuinermut aalajangersakkanik. Nukissiuutinik pilersuinermut peqqussut ataatsimut isigisumik siunertaqarpoq siuarsanissamik inuiaqtigiit aningaasarsiorneranniit isigisumik aammalu avatangiisinut mianerinninnerpaamik ingerlatsisoqarnissaanik, uuliamillu atuinerup annikinnerulersinnissaanik. Nukissiuutinik pilersuinermut peqqussut ilaatigut peqataassaaq Kalaallit Nunaanni pilersuinerup aaqqissuunnissaanut, aningaasanik atorluaanissamik nukissiuutsitsigullu atuinerup annikinnerpaaffissamininnissaanik siunertaqartunik, nukissiuutinik pilersuinerup isumannaannerpaajunissaanik, naammassisqaqrfinerunissaanik nioqqutissiornerup, minguinnerpaamillu pilersuisoqarnissaanik. Tamanna tunngaveqarpoq peqqussummi § 1-im i siunertaasumik.

Nukissiuutinik pilersuinermut peqqussummi § 2-p malitsigaa peqqussut nukissiuutinik tulliuttunik atuinermut aalajangersaasummat: (1) Eqqussuineq, assartuineq, nukimmik ingerlatitsineq aamma toqqortaqartarneq ikummatissanik uulianik, ikummatissanik uuliamik nioqqutissianik aamma gasinik ikuallanneqarsinnaasunik. (2) Nioqqutissiorneq, nukimmik ingerlatitsineq aamma innaallagissamik ingerlatitsineq innaallagissiornermut atortulersuutiniit. (3) Kiassaateqarfinnit kissamik nioqqutissiorneq, ungasissumiittunik kiassaanermut atortulersuuteqarneq, inissiaqarfinnut kiassaateqarfeqarneq 0,25 MW-mit annertunerusunik kissamik pilersitsiviusartunik aammalu eqqakkanut ikuallaaveqarneq. (4) Ingerlaartitsisarneq aamma assartuineq imermik kissanneqartumik imaluunniit aalamik kiassaateqarfinneersumik, ungasissumiittunik kiassaanermut kiassaateqarfiiit, eqqakkanik ikuallaaviit. Suliffissuaqarfiiit aamma nunap iluata kissaanik atuinermut atortulersuutit. (5) Inissianik kiassaaneq. (6) Inissiat imermik kissartumik pilersornerat.

Nukissiorfiit, Kalaallit Nunaanni nukissiuuteqarnikkut pilersuisuusoq tassaavoq Suliffeqarfik Namminersortitaq Namminersorlutik Oqartussat pigisaat. Tamanna isumaqarpoq Nukissiorfiit ilaatigut aningaasalersorneqarnerat aningaasanut inatsit aqqutigalugu aningaasaliissutitsigut. Nukissiorfiit suliaraat pisortat Kalaallit Nunaanni atuisartunik pilersuinerat, innaallagissamik, imermik aamma ungasissumiittunik kiassaanermik. Taamaattoq Nukissiorfiit kisermaassitinneqanngillat innaallagissamik, imermik aamma ungasissumiittunik Kalaallit Nunaanni pilersuinermi. Ullumikkut pisortat pilersuinerannut ilaavoq Namminersorlutik Oqartussat suliffeqarfiutaata Mittarfeqarfiiit pilersuinerat, innaallagissamik nioqqutissiortusoq imermillu tunisaqartartoq Kalaallit Nunaanni illoqarfinni ataasiakkaani timmisartunullu mittarfeqarfiusuni.

Mittarfeqarfuit aamma Nukissiorfiit suleqatigiissutigaat pilersuinerup tamarmiusup Nukissiorfinnut tunniunneqarnissaa. Inuaqatigiillu kalaallit kissamik pilersorneqarnerat annertooq imminut pilersornikkut ingerlasuuvoq, tamatumani kiassatit uuliatortut atorneqarnerisigut.

### *2.1.2 Akinik aalajangersaasarneq*

Nukissiorfiit aamma pilersuinermut suliffeqarfuit allat ukiumoortumik naatsorsuusiortussaavaat innaallagissamik kiassaanermillu pilersuinermut atatillugu aningaasartuutaasut. Tamanna nukissiuuteqarnikkut pilersuinermut peqqummi § 18-ip malitsigaa.

Innaallagissamik aamma kiassaanermik pilersuinermi akiusut tamarmik Naalakkersuisunut saqqummiunneqartussaapput, atortuulininginnerminnilu Naalakkersuisunit akuerineqartussaallutik. Tamanna nukissiuuteqarnermik pilersuinermut peqqussummi § 19, imm. 1, aamma § 9 Iermik pilersuineq pillugu Inatsisartut peqqussutaata nr. 10, 19. november 2007-imeersup (matuma kingorna “imermik pilersuinermut peqqussut”) kinguneraat. Aalajangersagarlu taamaasillu imaqrpoq Naalakkersuisut pisinnaatitaanerannik misissuisarnissamut aammalu nalilersuisarnissamut Nukissiorfiit pilersuinermillu ingerlatsiviit allat naatsorsuusiaannik pilersuinermullu akitsuutinik aalajangersaasarnerannik.

Nukissiuutinik pilersuinermut peqqussummi § 18, imm. 3 aamma imermik pilersuinermut peqqussummi § 8, imm. 2 imaqrput Naalakkersuisunut pisinnaatitsissummik aalajangersagaliornissamut Nukissiorfiit aamma pilersuinermik ingerlatsiviit allat suliatik pillugit naatsorsuusiortarnissaannut. Naalakkersuisut ilaatigut aalajangersakkat taakkua atorsimavaat malittarisassiornermut akitsuutit aammalu innaallagissamut, imermut aamma kiassaanermut akiliutissat pillugit. Tamakkua aalajangersarneqartput Innaallagissamut, imermut ataatsimoortumillu kiassarnermut il.il. akigititat aalajangersaasarneq pillugu Namminersorlutik Oqartussat nalunaarutaat nr. 22, 22. december 2017-imeersumi (matuma kingorna “akinut tunngatillugu nalunaarut”).

Akinut tunngatillugu nalunaarusiaq ataatsimut siunertaqarpoq akitsuutinik aamma akiliutissanik aalajangersaasarnermik, innaallagissamut, imermut aamma kiassaanermut, pisortat pilersuinerannut atatillugu. Akinut tunngatillugu nalunaarut aamma ilangullugu siunertaqarpoq aalajangersaasarnissamik suliffeqarfuit pilersuinermik ingerlatsisuusut aningaasartutinik qanoq agguasarnissaannik, naatsorsuusiortarnermut atatillugu. Takuuk akinut tunngatillugu nalunaarummi § 2. Nalunaarut naapertorlugu inuinnaat atuisartut aamma inuussutissarsiortut nalinginnaasut akiliutissanik assigiinnik akiliuteqartartussaapput (akit assigiit) innaallagissamik, imermik aamma kissamik pilersuinermut atatillugu. Inuinnaat atuisartut aamma inuussutissarsiortut nalinginnaasut immikkoortitserneqartussaapput aalisakkanik suliffissuarni sullitanut. Tamanna tunngaveqarpoq akinut tunngasumik nalunaarummi §§-inik 3 aamma 4-mik.

### *2.1.3 Pilersuisussaatitaaneq*

Nukissiuutinik pilersuinermut peqqussut naapertorlugu Nukissiorfiit pisussaaffeqarput ingerlatsissallutik naammassisaqarfifulluartumik aamma naammattumik pilersuinermik innaallagissamik aamma kiassaanermik atuisartunut (inuit) illoqarfinni aamma nunaqarfinni. Nukissiuutinik nioqquteqartartut allat innaallagissamik imaluunniit kissanik atuisartunut sumiiffinni inissianut, ingerlatsivinnut assigisaannulluunniit tunisaqartartut assigisaanik pisussaaffeqarput atuisartuminnut atugassaannik tunisaqartarnissaminut. Nukissiuutinik pilersuinermut peqqussummi § 12, imm. 1 takuuk. Assigisaanik pilersuisussaatitaaneq imermik, pilersuinermut peqqussummi § 4, imm. 1-ip kinguneraa. § 4, imm. 1-imi aalajangersagaq naapertorlugu imermik pilersuinermik ingerlatsisuuusut tamarmik pisussaaffeqarput naammassisaqarfifulluartumik aamma naammattumik imermik pilersuinissamut, illoqarfinni aamma nunaqarfinni atuisartunut.

Nukissiuutinik pilersuinermut peqqussut imaqqanngilaq Kalaallit Nunaanni inuussutissarsiortunut sullitanut pilersuisussaatitaanermik. Tamatumalu kinguneraa Nukissiorfiit pilersuinermillu ingerlatsisartut allat nioqqutissiorlutilu tunisaqartarnerat innaallagissamik aamma kissamik inuussutissarsiortunut sullitanut, tamanna pisortat atuisartunut pilersuisussaatitaanerannik ajorseriartitsinngikkaangat. Naalakkersuisut ersarinnerusunik malittarisassiorsinnaapput qularnaarisumik suliffeqarfiup pilersuinermik ingerlatsisuuusup atuisartunut (inunnut) illoqarfinni aamma nunaqarfinni pilersuisussaatitaanerat pillugu.

Nukissiorfiit aamma pilersuinermik suliffeqarfiit ingerlatsisuuusut allat ataatsimut isigalugu pisussaatitaapput sillimaniarnermut periusissialiortussaanermut, ingerlatiinnarsinnaajumallugu naammassisaqarfifulluartumik isumannaatsumillu innaallagissamik aamma kissamik pilersuineq pillugu. Tamanna nukissiuutinik pilersuinernut peqqussutip § 14-iata kinguneraa.

#### *2.1.4 Attavilernissamut pisussaaffik*

Nukissiuutinik pilersuinissamut peqqussummi § 15 naapertorlugu Naalakkersuisut aalajangersinnaapput sanaartukkat pioreersut imaluunniit sanaartukkat nutaat nukissiuutinut attaveqaatinut aalajangersimasunut atasuussasut. Naalakkersuisut taamaasillutik piginnaatitaapput aalajangersagaliorsinnaanermut sanaartukkat nutaat imaluunniit pioreersut nukissiuutinut attaveqaatinut aalajangersimasunut atasuunissaat tassanngaaniillu pilersorneqarnissaat pillugu. Ilanngullugulu Naalakkersuisut aamma aalajangersinnaavaat sanaartukkat pioreersut maanna pilersuisuminnut atasuuginnarnissaat pillugu, tassanngaaniillu pilersorneqarnissaat pillugu.

Naalakkersuisuts attavilertussaatitaaneq pillugu aalajangersagaliorsinnaanermut periafissaat aamma siunertaqarpoq siuarsajumanermik inuiaqatigiinnut avatangiisinullu inussiarnernerpaamik pilersuisoqarnissaanik, aammalu uuliamik tunngavilimmik pilersuinerup annikinnerpaaffissaminiitinnissaanik. Ilaatigut aalajangersagaq siuliani pineqartoq Naalakkersuisut atorsimavaat innaallagissamik iluaquteqarluni imermik kiassaanermut atugassamik kissaassusersuinernut - elektrokedler - sumiiffinni erngup nukinganik iluaquteqarluni nukissiuuteqarfiusuni. Tamanna siuliani eqqaaneqareersutut aalajangersarneqarpoq

innaallagissamik iluaquteqarluni imermik kissaanikkut kiassaasersuutinut attavilertussaatitaanermut pisussaaffik pillugu peqqusummi, sumiiffinni erngup nukinganik iluaquteqarfiusuni.  
Attavilertussaatitaanermut peqqusummi taakkua aalajangersarneqarput.

Attavilertussaatitaanermut peqqussut naapertorlugu Nukissiorfiit pisinnaatitaapput pisortani sullitat aamma kiassaateqarfinnik inuit piginnittut peqqusinnaallugit inaallagissamik iluaquteqarluni imermik kissaassutinik atortulersuusersornissamik, taamalu innaallagiaq iluaqutigalugu kiassaanissamik. Nukissiorfiits piginnaatitaanerat suliassaqarfinnut tamanut atuuppoq sumiiffinni erngup nukinganik innaallagissiornermut iluaquteqarfiusuni. Takuuk attavilertussaatitaanermut peqqusummi § 1, imm. 1. Imermut kissaassutinik innaallagissamoortunik - elektrokedler – ikkussuinerit Nukissiorfinnit ingerlanneqartussaapput Nukissiorfiit akiligaannik. Nukissiorfiit ilanngulluguttaaq isumagisaraat elektrokedlit aserfallatsaalineqarneri, atortulersuutitaat ilanngullugit. Sullitat pisortat aamma inuinnaat pisussaaffeqarput elektrokedlit ikkussorneqarsimasut kiassaanerannik tigooraasuunissamut, taakkua kissamik tunniussassaqarfigisaanni. Elektrokedlinik inuinnaat aamma pisortat ikkussuiffigineqarsimatillugit uuliatortunik kiassaanermut atortorissaarutit pigeriigaat atatiinnarneqartassapput. Elektrokedlit naammattumik kissartumik tunniussisinnaanngikkaangata pisortani inuinnarnilu sullitani, uuliatortumik kiassaateqarfiit maannamutut kiassatigineqartassapput. Takuuk attavilersuisarnermut peqqusummi §§-it 2 aamma 3.

Attavilersuisarnermut peqqusummi § 4-p kinguneraa akiliutissamik aalajangersimasumik aalajangersaasoqartarnera innaallagissamut peqqussut naapertorlugu tamatumunnga atatillugu atorneqartartumut.

Immikkut naleqquttuusassaaq attavilersuisarnermut immikkut aalajangersagaqarnissaa innaallagissamik annertuumik atorneqanngitsumik (sinneruttumik) peqartillugu, erngup nukinganik nukissiorfimmeersumik, tamatumalu kiassaanerup sinneranut atorneqarfigisinjaasaani. Pisuni taakkunani arlariinni attavilersuisarnermut pisussaaffik peqataasassaaq pinngitsoorniarlugu nukimmik iluaqutigineqanngitsumik peqalersinnaara, taamalu innaallagissap erngup nukinganik iluaquteqarnikkut nukissiorfimmeersup tamakkiisumik iluaqutigineqarsinnaanera, tassami erngup nukinganik nukissiorfiup pilersitaa avatangiisit inuiaqatigiillu aningaasarsiornerannit isigalugu pitsaanerpaamik iluaqutigineqassammata.

## 2.2 Siunnersuut

### 2.2.1 Sanaartukkat aamma erngup nukinganik nukissiorfimmik pioreersumik allilerineq, atortulersuutaat ilanngullugit

Siunnersuut tunngavigalugu Naalakkersuisut Utoqqarmiut Kangerluarsunnguanni erngup nukinganik nukissiorfik Nuummut pilersuisut allissavaat, nutaamillu erngup nukinganut nukissiorfissamik Qasigiannguanut aamma Aasiannut pilersuisussamik sanatitsissallutik.

Pisariaqartitsisoqarpoq erngup nukinganik iluaquteqarluni nukissiorfiup Nuummut pilersuisup

allineqarnissaa, maanna nukimmik pilersuineq annikillissanngippat annertusineqassappalluunniit. Tamannalu isumaqarpoq imeqarfik Utoqqarmiut Kangerluarsunnguanniittooq nukissiorfimmik imermik pilersuisoq annertusineqartariaqartoq, ingerlatsineq taamaaginnarsinnaaqquullugu kiisalu maanna nioqquqtiissiorneq annertusisinnaajumallugu.

Utoqqarmiut Kangerluarsunnguanni erngup nukinganik iluaquteqarluni nukissiorfiup Nuummut pilersuisup allineqarnissaani taamaasilluni ilaavoq nukissiummik nutaamik pilersitsinissaq, maanna nukissiorfiusumi, tamatumalu innaallagissap aqquaanut Utoqqarmiut

Kangerluarsunnguanniit Nuummut pilersuisunut piovereersunut attavilerneqarnissaa. Tamatumalu aamma ilagaa teknikkimut atortulersuutinik pilersitsisoqarnissaa, sillimmatitut nukissiorfissamik pilersitsinissaq, attaveqaasersuutinik pilersitsinissat, kiisalu atortulersuutinik allanik pisariaqartunik pilersitsinissat illutassanillu sanaartornissat. Kiisalu aamma Utoqqarmiut Kangerluarsunnguanni erngup nukinganik nukissiorfiup allineqarnerata kingunerissavaa innaallagissap Utoqqarmiut Kangerluarsunnguaniit Nuummut aqquaasa sananeqarsimanermittut 100 MW-mik tamakkiisumik assartuisunngornissaat.

Utoqqarmiut Kangerluarsunnguannut atasup tatsip imermik pilersorneqarnera annertusineqassaaq tatsimit allamiit, Isortuarsuup Tasianiit Kangerluarsunnguup Tasianut 16 km-inik kujasinnerusumiittumut aqquserneratigut. Uuttortaanerit Asiamit suliarineqarsimasut naapertorlugit Isortuarsuup Tasianut imeq kuuttoq Kangerluarsunnguup Tasianut kuuttartumiit ukiumut pingasoriaammik naannertussuseqarpoq. Utoqqarmiut Kangerluarsunnguanilu nukissiorfiup Nuummut pilersuisup allilerneqarnissaata taamaasilluni ilagivaa sullorsualiornissaq Kangerluarsunnguup Tasiata aamma Isortuarsuup Tasiata akornanni. Sullorsualiortoqarpallu tatsit taakkua marluk akornanni imeq Isortuarsuup Tasianiit Kangerluarsunnguup Tasianut kuutsinneqarsinnaalissaq, tamatumalu qularnaassallugu Utoqqarmiut Kangerluarsunnguanni nukissiorfiup imermik naammattumik pilersorneqalernissaa. Isortuarsuup Tasiata aamma Kangerluarsunnguup Tasiata akornanni sulluliornissaq allilerinissamut pisariaqarpoq, aammalu sulluliortoqariinngippat nutaamik nukissiorfiliortoqarsinnaanngilaq.

Erngup nukinganik iluaquteqarluni nukissiorfimmik Qasigiannguanut aamma Aasiannut pilersuisussamik sanaartornerup ilagai nukissiorfiliorneq, kangerluup Kangersunerup eqqaani, sullorsuarmik erngup kuuffissaanik pilersitsinissaq tatsit Kuussuup Tasiata aamma Qinngap Ilulialeeraata akornanni, nukissiorfissamut atatillugu imeqarfiusussamut, kiisalu innaallagissap aqquissaanik nukissiorfimmiiit Qasigiannguanut aamma Aasiannut sanaartorneq. Tatsit pineqartut Qasigiannguaniit kujammut kangimut 20 km missaanni inisisimapput. Suliassallu aamma ilagissavaa teknikkimut atortulersuusersorneq, sillimmatissatut nukissiorfissamik pilersitsineq, attaveqaasersuineq kiisalu atortulersuutinik ikkussuineq illutaliornerlu.

Inaallagissap aqquissai periarfissat arlariit atorlugit aaqqissunneqarsinnaapput. Inaallagissap aqquissaanik 31 km-it missaannik takissusilimmik silaannakkut Qasigiannguanut

pilersitsisoqarsinnaavoq, Aasiannullu innaallagissap aqutissaanik 114 km-it missaanniittumik. Tamatumani piumasaqaataavoq Aasiannut innaallagissap aqutissaasa nunamik eqqisisimataasumik Ramsar-eqarfiusumik Naternami aqqusaarinissaa. Periarfissap aappaatut Aasiannut innaallagissap aqutai ilimanarpooq imap naqqatigoortut kabel-it atorlugit silaannakkullu innaallagissap aqutaasigut aaqqissuussisoqarsinnaanera Qasigiannguaniit, taamalu Naternami Ramsar-eqarfik avaqqunneqarluni. Aaqqissuussinerli taanna akisunerussaaq, soorluttaaq aarlerinaateqarsinnaasoq imaatigut kabelip umiarsuarnit iluliarsuarnillu innarlerneqarsinnaanera. Taamaattumik aqutissaani tamarmiusumi silaannakkut aqqusiinissaq akikinnerpaajussaaq, qularnaannerpaajulluni, taamalu aaqqiissutissaalluni pitsaaneq.

Ataani tabelimi eqikkarneqarpoq piffissalersuinerugallartoq erngup nukinga iluaqtigalugu nukissiorfiliornissamut, ukiut 7-it iluanni suliarineqartussatut. Piffissalersuineq una tunngavigineqassaaq immikkuualuttortalersukkanik suliniummik pilersaarusiornissanut, piffissallu ingerlanerani ingerlaavartumik aaqqissuunneqartassalluni, ingerlatsinikkut aningaasarsiorneq imaluunniit inuiaqatigiinni aningaasarsiornikkut isiginiagassat tunngavigalugit. Qitiuvoq pilersaarummi immikkoortut ataasiakkaat qilfersorsimannginnissaat neqeroortitsinermut atatillugu, suliassap suliarineqarnerani killilersuutit sanaartugassatut suliniummik akitsorsaasussaammata.

Suliniutit aallartinneqarnissaat Utoqqarmiut Kangerluarsunnguanni nukissiorfiup allilerneqarneratigut, saniatigullu ilaatigut ilutigisaanik erngup nukinganik iluaquteqarluni nukissiorfimmik Qasigiannguanut aamma Aasiannut pilersuisussamik pilersitsiartuaarneq ingerlallugu, aalajangersimasummat Nuup nukissiuuteqarnikkut pilersorneqarnerata aalajaallisarneqarnissaat, kiisalu suliniummi aningaasarsiornikkut isiginiagassat ataatsimut isiginiarneqarnissaat. Tassanilu tatsimiit tatsip aappaanut sullorsualiornissaat piffissalersuinermi salliutissallugu pisariaqarluinnarpoq. Aningaasarsiornikkut angusaqarluarnissamut annertunerpaamik tunngaviuvoq Isortuarsuup Tasianiit Kangerluarsunnguup Tasianut imermik kuutitsinerup ammarneqarnissaat.

*Tabeli 1. Erngup nukinganik iluaquteqarluni nukissiorfiliornissanut piffissalersuinerugallartoq*

Nuuk	Ukioq 1	Ukioq 2	Ukioq 3	Ukioq 4	Ukioq 5	Ukioq 6	Ukioq 7
Illutassanik sanaartornerit							
<i>Nukissiorfeqarfik</i>							
<i>Imermik aqutsinermut ventili</i>							
Sanaartornerit							
<i>Tammaarsimaarfik</i>							
<i>ingerlatsinerlu</i>							
<i>Aqqusernit illernillu</i>							
<i>Nukissiorfik nutaaq</i>							
<i>Sullorsuaq imermik</i>							
<i>ingerlatitsivik</i>							
Maskiinat innaallagiarlu							

	Ukioq 1	Ukioq 2	Ukioq 3	Ukioq 4	Ukioq 5	Ukioq 6	Ukioq 7
Turbiinit aamma generatorit							
Atortorissaarutit innaallagissamoortut							
Innaallagissap sinnera, kalerrisaarutit programmillu							
Transformeri nukissiuummi							
Innaallagissap ingerlaartinnera							
Nukissiorfimmut pioereersumut attaviit							
Entreprenørinut aningaasartuutit ataatsimut							
Allaffissorneq namminerlu nakkutiliineq							
Sulinuit							
Sanaartortitsisup aningaasartuutai							
Misissueqqarnerit (sioqullugu)							
Neqeroortitsissutit (sioqullugu)							
Sanaartortitsisup nakkutiliinera aamma gruppe nalunaaruteqartarfik							
<b>Qasigiannguit aamma Aasiaat</b>	<b>Ukioq 1</b>	<b>Ukioq 2</b>	<b>Ukioq 3</b>	<b>Ukioq 4</b>	<b>Ukioq 5</b>	<b>Ukioq 6</b>	<b>Ukioq 7</b>
Illutassanik sanaatornerit							
Nukissiorfeqarfimmi							
Isaaffittut illutami							
Umiarsualivimi il.il. illut							
Illoqarfinni sakkortusaaveqarfuit							
Sanaartukkat							
Tammaarsimaarfiliorneq ingerlatsinerlu							
Aqqusernit, illernit, umiarsualivik aamma tankit							
Sullorsuit nukissiorfillu							
Sullorsuaq itisilerinerlu							
Maskiinat innaallagiarlu							
Turbiinit							
Generatorit							
Atortut innaallagissamoortut							
Innaallagissap sinnera, kalerrisaarutit programmillu							
Nukissiorfimmi sakkortusaavik							
Illoqarfinni sakkortusaavit							

Innaallagissap ingerlaartinnera																								
Silaannakkut aqputit																								
Entreprenørinut aningaaasartuutit ataatsimut																								
Allaffissorneq namminerlu nakkutillineq																								
Suliniut																								
Sanaartortitsisup atingaaasartuutai																								
Misissueeqqaarnerit																								
Neqeroortitsinermi atortut																								
Sanaartortitsisup nakkutillinera aamma gruppe nalunaaruteqartarfik																								

## 2.2.2 Aningaaasalersuineq

Aningaaasaliissuteqartoqassaaq nunatta karsiata aningaaasaliissutissanik attartorneratigut. Aningaaasat suliniummut atorneqarsinnaanngortinneqassapput, Nukissiorfinnut ingerlatinneqarnermikkut attartortitseqqinnertut, ilutigisaanillu maanna pilersuinerup aaqqissuunneqarnera ingerlanneqarneralu atortutiinnarneqassallutik.

Nalilerneqarpoq nunatta karsiata attartornera erniat appasinnerusut atorlugit pisinnaassasoq, aningaaasanik attartorneq aningaaasanik niuerfiusumi ingerlanneqarneranut sanilliullugu.

Inuiaqatigiinnut iluanaarutissartaqarpoq aningaaasanik attartornerup sabinngisamik appasinnerpaanik ernialimmik aaqqissuunneqarnissa, tamannalu atuisartunut aamma iluaqtissartaqassaaq.

Taamatut aningaaasanik attartornerup kingunerissavaa Namminersorlutik Oqartussat akiliisinnaassuseqarnissamut piumasaqaatit inissismaffigisaat siusinnerusukkut aningaaasanik Nunat Avannarliit aningaaasalersuisarnermut aningaaasaateqarianniit - Nordisk Investeringsbank (NIB) aningaaasanik attartornerminni inissismaffigisaa attatiinnarneqarsinnaassanngitsoq. NIB aamma Namminersorlutik Oqartussat akornanni taarsigassarsinissamut isumaqatigiisummi allassimavoq "Taarsigassarsisup ilanngaaseereernermi ernialinnik akitsoqarnera sukkulluunniit Taarsigassarsiat akilersorneqarfissaassa nalaanni isertitat tamarmiusut annerpaamik 20%-iinit annertunerusinnaanngitsut, taarsigassarsisup isumaginissaanut pisussaaffeqarpoq, taamaalillutik taakkua Nunap karsiata naatsorsuutaanni ukiumoortumik naatsorsorneqartassallutik tamanullu saqqummiunneqartassallutik."

Inatsisisstatut siunnersuummi § 5 taamaattumik imaqarpoq pisinnaatitsisummi Naalakkersuisut aningaaasanik nutatta karsianut attartorsinnaanerannik, Utoqqarmiut Kangerluarsunnguanni erngup nukinganik iluaquteqarluni nukissiorfiup Nuummut pilersuisup allilerneqarnissaanut, kiisalu nutaamik erngup nukinganik iluaquteqarnikkut nukissiorfissamik Qasigiannguanut aamma Aasiannut pilersuisussamik sanaartornissamut.

Inatsisissatut siunnersuutip § 5-a ilutigisaanik periarfissaqartitsivoq nunatta karsiata aningaasat attartukkani Nukissiorfinnut attartorteqqissinnaagai inatsit naapertorlugu sanaartugassanut pineqartunut atatillugu.

#### *2.2.3. Inatsisinut atatillugu pissutsit*

Nunatta karsiata aningaasartuutissanut missingersuusiai aamma aningaasat attartugai aqunneqarput missingersuusiortarnermut naatsorsuusiortarnermullu inatsisikkut. Inatsit siunertaqarpoq ilalersuinissamik piffissap ingerlanerani aningaasanik amerlanerusunik atuisoqannginnissaanik, piffissap ingerlanerani isertitat periarfissiinerannut sanilliullugu, qularnaarumallugu aamma ukiuni aggersuni siunissami naalakkersuinikkut tulleriaarisqarsinnaasarnissaa.

Aningaasaliissuteqartarnerit assersuutigalugu attaveqaasersuinernik suliniutinut ilalersuisuusussaapput ungasinnerusumut aningaasarsiornikkut politikkip nunamut tamarmut atasumik attanneqarsinnaanissaanut. Tamannalu minnerunngitsumik atuuppoq aningaasaliissutissanut atatillugu attartortoqartariaqartarnerani.

Missingersuusiortarnermut aamma naatsorsuusiortarnermut inatsimmi § 2 imaqarpoq piumasaqaatinik ataatsimut aningaasartuutissanut atatillugu missingersuusiat pisortat ataatsimut ingerlatsineranni ukiut 4-at iluanni oqimaaqatigiittassasut, imaluunniit sinneqartoorteqarfiusassasut. Aalajangersagaq Inatsisartut inatsisaatigut nr. 24, 28. November 2018-imeersukkut atorunnaarsinneqarallarpoq 2021-ip naanissaata tungaanut, paasinarsimmat malittarisassaq taamatut iluseqartilluni atortuulersikkuminaattussaasoq. Matumalu inatsisissatut siunnersuutip ilutigisaanik taamaattumik naatsorsuutigineqarpoq saqqummiussisoqassasoq missingersuusiortarnermut aamma naatsorsuusiortarnermut inatsimmut allannguutissamik, maanna inatsimmi atuuttumi § 2-mi naleqqutsinngitsunut tunngatillugu.

Missingersuusiortarnermut aamma naatsorsuusiortarnermut inatsimmi piumasaqaataasut aningaasartuutissanut missingersuutit oqimaaqatigiittussaanerannik, allannguutissatut siunnersuummi ersittutut suli atuutiinnassapput. Taamaattoq iginiarneqarpoq pissutsit assigiinngitsut iluanni pisariaqarsinnaasassasoq ukiut 4-at iluanni oqimaaqatigiissitsinissamut piumasaqaatip sanioqqunneqarsinnaanissaa.

Erngup nukinganik iluaquteqarluni nukissiorfiliassat inuiaqatigiit aningaasarsiorneranni suliniutaapput imminnut akilersinnaasut annertunerusunik aningaasaliisoqarnissaanik pisariaqartitsiviusut, taamaattumillu unammillernartinneqassallutik missingersuusiortarnermut naatsorsuusiortarnermullu inatsimmi ukiut sisamakkaartumik oqimaaqatigiissitsisarnissamik ileqqusumut atatillugu. Ilutigisaanillu aningaasaliissuteqarnerit taakkua inuiaqatigiit aningaasarsiornerat isigalugu pitsaanerusumik aningaasarsiulernissamut peqataassallutik. Erngup nukinganik iluaquteqarluni nukissiorneq inuiaqatigiit nukissiuutinut piujuannartitsisunut pisortat

pilersuineranni ikaarsaariartornerannut peqataassaaq, tamannalu ilalersuutaavoq Nukissiuuteqarnermut Imermillu Pilersuinermut immikkoortumi pilersaarummut, tassani siunnerfiummut pisortat nukissiuuteqarnerat 2030-imi sapinngisamik annertunerpaamik nukissiuutinit piujuannartitsisunit tunniunneqartalersimassasoq.

Inatsisartut naalakkersuinikkut tulleriaarisarneranni inissaqartitsinissaq attatiinnarsinnaajumallugu erngup nukinganik iluaquteqarluni nukissiorfiliornissamik suliniutit ungasinnerusumut suliniutaasutut inatsisisstatut siunnersuut imaqarpooq periarfissamik Naalakkersuisut sanaartugassanut ukununnga pineqartunut atatillugu, inatsisisstatut siunnersuummi §§ 1-4-imi killilerneqartutut, nunatta karsianut aningaasanik attartorsinnaapput attartukkat ataatsimut 3,1 mia. danskit koruuni annerpaaffissaqartillugit.

Missingersuusiortarnermut naatsorsuusiortarnermullu inatsimmi § 6-imi tunngaviusumik ileqquuvoq Naalakkersuisut taamaallaat aningaasalersuutissanik attartortarnerat assersuutigalugu attaveqaasersuinernut, atuisartut akiliutaasa pisortat aningaasartuutaat annikinnerulersissappatigit, imaluunniit allatigut pisortat isertitaqarnerulissappata, taakkualu minnerpaatut attartukkat ernaianut akilersuutaanullu akiliutigineqarsinnaappata.

Erniat aamma naafferartunik akilersuutit nunatta karsiata attartugaanut erngup nukinganik nukissiorfiliornernut atatillugu atuisartut akiliutaasigut akilersorneqartussaapput. Ilutigisaanillu ataatsimut erngup nukinganik iluaquteqarluni nukissiorfiliorternerit pisortat nukissiuuteqarnermut aningaasartuutaannik annikinnerulersitsisarput, erngup nukinganik iluaquteqarluni nukissiorfiit uuliamik nukissiornermi atortussamik pisiortortarneq illikartsittarmagu, taarsertarlugulu akikinnerusumik erngup nukinganik iluaquteqarluni nioqqutissiornikkut. Ilanngullugulu erngup nukinganik iluaquteqarluni suliniutit ataatsimut kinguneqartarpot pisortat isertitaqarnerulererinerik innaallagissamik sullitassanut nutaanut tusisaqlersarnikkut, erngup nukinganik iluaquteqarluni nukissiornikkut innaallagissamik qaminneqartartumik taaneqartumik inuit sullitat atuilernerisigut.

#### *2.2.4 Aalajangersakkat allat*

Siunnersuummi § 7-mi ilanngunneqarpooq aalajangersagaq erngup nukinganik iluaquteqarluni nukissiorfiliornissat Nuummut pilersuisussamik kiisalu Qasigiannguanut aamma Aasiannut pilersuisussamik nunat tamalaat akornanni neqeroortitsinikkut suliarumannittussarsiuunneqarsinnaasut. Nunat tamalaat akornanni nunarsuatsinni neqeroortitsinikkut akinik nunat tamalaat akornanni unammillersinnaasunik angusaqartoqarsinnaavoq. Tamannalu peqataasinnaavoq sulisussanik piukkunnartunik pissarsiniarnermut, kiisalu kinguartoortoqarsinnaanerata akitsorsaasoqarsinnaaneratalu pinngitsoorniarnissaanut. Ilutigisaanillu taamatut aaqqissuussinikkut suliarumannittussarsiuussineq qularnaarisinnaavoq nunatsinnit namminermit sulisussarsiornermut. Nunat tamalaat akornanni neqeroortitsisoqarnerani atorneqassanngilaq sanaartugassanut tunngatillugu neqeroortitsisarnermut Inatsisartut inatsisaat.

Siunnersummi §§ 8-9 aamma § 10 nunamut tamarmut pilersaarusiortarnermut, arsaarinnissuteqartarnermut stempel-inullu akitsuutinik akiliinnginnissamut atuuttut ilanngunneqarput.

### **3. Aningaasarsiornikkut allaffissornikkullu pisortanut kingunerisassai**

Sanaartugassanut suliniutinik inatsisisatut siunnersummiittunik piviusungortitsiniarnermi taamaasilluni piumasaqaataavoq annertoorsuarnik aningaasaliissuteqarnissat. Pisortanullu pingaarnertut aningaasatigut kingunerisassai tassaallutik aningaasanik attartornissat 3,1 mia. kr.-it missaat angullugit annertussusilinnik. Aningaasanik attartornissaq akikinnerpaaq nunatta karsianiissaaq, sanaartortumut attartortitseqqinnertalik. Nunatta karsiata aningaasartutissai ernianut, akilersuinernut aningaasalersuinernullu allatigut sanatitsisumiit matussuserneqartassapput, atuisut akiliutaasigut aningaasalersuinermut aningaasartutinik akilersuinikkut.

Tamatumalu saniatigut naatsorsuutigineqarput aningaasalersuinissamut aammalu avatangiisinik misissuinernut aningaasartuutit 10 mio. kr.-iunissaat. Aningaasartuutini ilaapput aningaasalersuinissamut avatangiisinillu misissuinernut – tassani ilaalluni ASN-imut nassuiaasiaq, tamatumani aamma allaffissorneq siunnersuinerlu, aningaasalersueriaasissat, tamatumanilu ilaallutik aningaasanut niuerfiusunik misissuinerit aamma siunnersuineq il.il..

Inuaqatigiit aningaasarsiornernut kingunerisassai pillugit misissuinernik naatsorsuusiorqarsimavoq, ataani takuuk imm. 3.1 kiisalu malussajassutsinut misissuinerit, takuuk ataani imm. 3.2. Tamatumalu saniatigut ingerlatsinermut aamma suliffeqarfiup aningaasarsiornernut ilutsimik Nukissiorfinnut tunngatillugu suliaqartoqarsimavoq, takuuk ataaniittooq immikkoortoq 3.3.

#### *3.1 Inuaqatigiit aningaasarsiornernut atatillugu kingunerisassaanik nalilersuineq*

Nalinginnaasumik inassutigineqartarpooq pisortat aningaasaliisarnerini ataatsimoortunik nalilersuisarnerit, ataatsimut isigaluni suliniutip qanoq aningaasarsiornermut sunniuteqarnissaa eqqarsaatigalugu. Tamannalu tunuliaqutaralugu inuaqatigiit aningaasarsiornernut kingunerisassat Nuummut pilersuisup nukissiorfiup naammassisinnaasa annertusineqarnissaat kiisalu erngup nukinganik iluaquteqarluni Qasigannguanut aamma Aasiannut pilersuisussamik nukissiorfilornerup inuaqatigiinnut kingunerisassai naatsorsuusiorneqarput.

Aningaasarsiornikkut nalornissutaalersut COVID-19-ip kingunerisai aallaavigalugit taamanikkut Naalakkersuisuuusut 2020-ip aasaani aalajangerput suliniummi aningaasarsiornerpup inuaqatigiit aningaasarsiornernut ingerlatsinermilu aningaasarsiornermut suliniutip attanneqarsinnaassusii naatsorsuusiorneqassasut, kiisalu ilanngullugu aamma Namminersorlutik Oqartussat aningaasanik tigoriaannarnik peqarnerannut atasumik ilassuserlugu. Naatsorsueqqinnerillu siusinnerusukkut naatsorsuinernit allaanerusumik siunnersortitut suliffeqarfimmit avataaneersumit suliarineqarput.

Naatsorsuinerit taakkua naammassineqarput februarip qiteqqunnerani 2021-imi. Naatsorsuinerillu nutaat pitsaanerusunik inuiaqatigiit aningaaasarsiornerannut atatillugu inerniliippuit, Naalakkersuisoqarfiup naatsorsuisimaneranut siusinnerusumi pitsaanerusunik, matumalu ataani assigiinngissutsit pingaernerit nassuiarneqarlutik.

Naatsorsueqqinnerit ersersippaat Nuup pilersorneqarnerani naammassisinnaasap annertunerulersinnera, kiisalu erngup nukinganik iluaquteqarluni nukissiorfimmik Qasigiannguanut aamma Aasiannut pilersuisussanik pilersitsineq nammineq inuiaqatigiit aningaaasarsiornerannut akilersinnaanerusut, erngup nukinganik iluaquteqarluni nukissiorfiliunnginnermiit.

Inuiaqatigiit aningaaasarsiornerannut sunniutaasussanik naatsorsuusiornerit ersittut nalunaarusiami "Kalaallit Nunaanni erngup nukinganik iluaquteqarluni nukissiorfiliornerup inuiaqatigiit aningaaasarsiornerannut sunniutigisassai" ilanngussatut matumunnga ilanngunneqartoq takutitsivoq erngup nukinganik iluaquteqarluni nukissiorfiliassat arlariit pineqartut inuiaqatigiit aningaaasarsiornerannut sipaarutissaqartitsissasut 3,5 mia. kr.-init annertunerusut, ullumikkut naliusut suliniummi tunngavigalugit ukiunut atuuffigisassaanut missingersuusioraanni (ukiut 80-it).

Oqaatigineqassaaq ukiunut 30-nut ukiunut arlalinnut ingerlatsinermi aningaasaqarnikkut sunniutaasussanik aamma naatsorsuisoqareermat. Tamanna matuma kinguliani immikkoortoq 3.3-mi erseqqinnerusumik itisilerneqarpoq.

Naatsorsuinermi uuliap akigisa ineriartornerisa mianerisassaasarneri naatsorsuinermi eqqummaariffigineqarput, naatsorsuutigineqarluni ukiuni arlariinni patajaatsuunissaat naatsorsuutigineqarput, minguitsumut ikaarsaariarneq peqquaalluni. Taamaalilluni inuiaqatigiinnernut aningaasaqarnikkut erngup nukiganut suliniutinut naatsorsukkat patajaatsuunissaat isigineqarput.

Utoqqarmiut Kangerluarsunnguata allineqarneranut aningaaasaliissuteqarneq inuiaqatigiinnut annertunerpaanik sipaarutissaqartitsissaaq. Naammassineqarsinnaasup annertunerulersinneratigut ilaatigut Nuummi innaallagissap qamittakkamik taaneqartoq aamma ungasianiit kiassarneq annertoorujussuarmik atorneqalertussaavoq, Nukissiorfiit pilersorsinnaasaat. Paarlattuanillu Nuummi innaallagissamik nioqquqtiissorneq piovereeroq annikinnerulissalluni, allilerisoqanngippat, pissutigalugu ullumikkut nukissiorfiup tasianiit imeq annertunerusoq kuulluni ilassutaasartumiit annerusoq atorneqartarmat. Ataatsimut inuiaqatigiit aningaaasarsiorneranni sipaarutaasussat Utoqqarmiut Kangerluarsunnguanni nukissiorfiup allineqarneratigut 3,2 mia. kr.-iussapput, suliniutip piffissami atuuffigisassaani, diskonto ullumikkut aningaasanut naatsorsoraanni.

Erngup nukinganik iluaquteqarluni nukissiorfissamik Qasigiannguanut aamma Aasiannut pilersuisussamik sanaartorneq inuiaqatigiinnut sipaarutissaqartitsissaaq 300 mio. kr.-nik, diskonto ullumikkut aningaasap nalinganut naatsorsoraanni piffissami sanaartukkap atuuffissaani (ukiut 80-

it), taamalu inuiaqatigiinnut aningaasaliinerussalluni pitsaasoq. Taamaasillunilu immikkoortutut suliniutitut taanna isigigaanni naammassinnippoq “Inuiaqatigiit aningaasarsiornerannut kingunerisassaanik naatsorsuusiotarnernut ilitsersuut” naapertorlugu. Qasigiannguanut Aasiannullu erngup nukiganik nukissiuuteqalernissaq immikkoortillugu isigigaanni Utoqqarmiut Kangerluarsunnguanni suliniutitulli qajannaatsiginngilaq, inuiaqatigiit aningaasarsiornerannullu sunniutaasut allannguisinnaanermut nalorninaatitaqassalluni, assersuutigalugu suli nukissiuutinut akiusut appasinnerulersinnaanerinut. Taamaattoq piumasaqaataavoq uuliap akiata ukiut 80-it ingerlaneranni 20 procentinit annertunerusumik annikinnerulernissaa pisariaqtussaavoq, erngup nukinganik iluaquteqarluni nukissiorfiup Qasigiannguanut aamma Aasiannut pilersuisussap akilersinnaannginnerulernissaanut, illoqarfiiq pineqartut marluk erngup nukinganik iluaquteqarluni nukissiorfiliorgissanggikkaanni.

*Tabeli 7. Inuiaqatigiit aningaasarsiornerannut kingunerisassai (net present cost) ataatsimut erngup nukinganik nukissiorfiliorneq isigalugu*

Aningaasartuutit mio. kr.-ini	Tunngavik takorluugaq aallaaviusoq	Takorluugaq A Nukissiorfiliorniq i QAS aamma AAS	Takorluugaq B Nuumik pilersuisup allineqarnera	Takorluugaq C allilerineq Nuuk, QAS aamma AAS
Aningaasalersuinermut aningaasartuutit	825	1.944	2.460	3.579
Ingerlatsinermut aningaasartuutit	541	703	547	709
Ikummatissanut aningaasartuutit	7.917	6.333	3.042	1.458
Silaannaap mingutsinneranut aningaasartuutit	15	15	5	5
<b>Aningaasartuutit ataatsimut</b>	<b>9.298</b>	<b>8.995</b>	<b>6.055</b>	<b>5.752</b>
<b>Nikingassut takorluukkamit aallaaviusumiit</b>		304	3.243	3.547

*Inuiaqatigiit aningaasarsiorneranni kingunerisassaasa naatsorsuusiornerat imatut suliaavoq, taamaallaat ilanngunneqarlutik aningaasartuutit nukimmik aalajangersimasumik annertussusilimmik pilersuinermi Nuummut kiisalu aamma Qasigiannguanut aamma Aasiannut pilersuinermi. Inuiaqatigiit aningaasarsiorneranni imminut akilersinnaanerpaamik suliniut taamaasilluni tassaavoq appasinnerpaanik ataatsimut aningaasartuuteqarfiusoq. Erngup nukinganik nukissiorfimmik allilerinerup uuliamik ikuallaasarneq peersissavaa, ikummatissanullu aningaasartuutit annikinnerulersillugit. Atuisuniit akiliutaasut nalilersuinermi matumanil ilaatinneqanngillat, kisiannili ingerlatsinermut aningaasartuutinik naatsorsuinermi ilaallutik. .*

*Uannga: NIRAS, Kalaallit Nunaanni erngup nukinganik iluaquteqarluni nukissiorfiliorneq inuiaqatigiit aningaasarsiornerannut sunniutai, 2021.*

Ataatsimut takorluugaq C, imaqartoq Utoqqarmiut Kangerluarsunnguata allineqarnissaanik aammalu nukissiorfiliornissamiik Qasigiannguanut aamma Aasiannut pilersuisussamik inuiaqatigiit aningaasarsiorneranniit isigalugu akilersinnaanerpaavoq. Nunatta karsiata aningaasaliissutissanik attartornissaanik isumaliuteqarnermiit ilanngullugu isumaliutigineqarsinnaavoq sanaartugassat imatut aaqqissuunneqarsinnaaneri Nuummut pilersuisup nukissiorfiup allilerneqarneratigut aningaasat isaalertussat aningaasalersueqataasinnaaneri erngup nukinganik iluaquteqarluni

nukissiorfissap Qasigiannguanut aamma Aasiannut pilersuisuusussap sanaartorneqarnerani aningaasalersuutaqataasinnaaneri.

Siusinnerusukkut inuiaqatigiit aningaasarsiornerannut atatillugu nalilersuineq 2019-imi suliarineqartoq saqqummiunneqartorlu “Nassuaasiaq erngup nukinganik iluaquteqarluni Qasigiannguit aamma Aasiaat pilersorneqalernissaannut, kiisalu Utoqqarmiut Kangerluarsunnguanni erngup nukinganik nukissiorfiup Nuummut pilersuisup allineqarnissaanik” allaanerusunik inerneqarsimavoq, inuiaqatigiit aningaasarsiornerannut atatillugu akilersinnaassusia annikinnerulluni, aammalu erngup nukinganik iluaquteqarluni Qasigiannguanut aamma Aasiannut pilersuisussamik nukissiorfiliorneq inuiaqatigiit aningaasarsiorneranniit isigalugu akilersinnaasimanani.

Naatsorsuinerit taakkua marluk assigiinngissusiat makkunuuna nassuarneqarsinnaavoq:

- Naatsorsuinerit siunnersortinit avataaneersunit suliaasut ilaqarput tunngaviusumik takorluukkani aningaasaleeqqinnernik, aallaavigalugu pilersuinermut tunngaviusut allannguiteqartinneqannginneri. Tamatumani ilaapput suli ingerlaqqittumik diesel-itortunut nukissiorfinnut aningaasaleeqqittarnerit. Tamanna siusinnerusukkut naatsorsuusiornerni tamakkiisumik ilaatinneqartanngilaq.
- Naatsorsuinerit siunnersortinit avataaneersunit suliaasut piffissamik isiginiaapput naatsorsuutigalugu nukissiorfiit atuuffissaat ukiunik 80-inik sivisussuseqartoq.

Siusinnerusukkut naatsorsuinerni piffissalersuineq naanneerarsuusimavoq, aammalu ukiunit nioqquissiorfiusut 17-it kisimik ilangunneqarlutik Utoqqarmiut Kangerluarsunnguanni nukissiorfimmik allilerinermi, kiisalu aamma ukiut nioqquissiorfiusussat 14-it erngup nukinganik iluaquteqarluni nukissorfissami Qasigiannguanut aamma Aasiannut pilersuisussami. Taakkua siusinnerusukkut aallaavittut tunngavagineqartut nutarterlugit malinnaatitsisoqarpoq, taamalu aningaasaliissutaasut nalgisaannut annertussusiliisoqarluni. Piffissaliussamut sivitsuineq inuiaqatigiit aningaasaqarnerannut suliniutinut nalilersuinerni naliginnaasumik iliuuserineqartarnermut naapertuuppoq aamma siusinnerusukkut Inatsisartut Sanaartornermut Ataatsimiitaliaanit (Ukiakkut 2020)-imi kissaataalluni. Siunnersortit avataaneersut nukissiorfiit ukiut atuuffissaannik aallaaviliineri nalorninaataasinaasutigut missiuiffigineqarput, ukiut 30-it atuuffigisinnaasaat tikillugit, tamatumali allannguiffiginngilaa eqikkaanermi inerniliunneqartut, takuuk malussajassutsimik nalilersuineq imm. 3.2-mi.
- Naatsorsuinerit siunnersortinit avataaneersunit suliarineqartut misissuivigisimavaat innuttaasut amerliartornissaanut siumut naatsorsuusiaasut 2050 angullugu, aallaavigalugu erngup nukinganik iluaquteqarluni nukissiorfiliat ukiuni amerlanerusuni atasinnaaneri. Siusinnerusukkut naatsorsuinerni innuttaasut amerliartornissaannik naatsorsuinerit taamaallaat 2041-mut suliaapput. Qaffasinnerusumik piffissaliinikkut 2050-ip tungaanut Nuummi innuttaasut amerlanerussapput, taamalu sullitassat erngup nukinganik iluaquteqartussat amerlanerussallutik.

- Naatsorsuinerit siunnersortinit avataaneersunit suliaasut ilanngutinngilaat innaallagissamut nutsernerup annertusiartortup sunniutissai, akileraarutitsigut sunniutissat allannguuteqarnissaat, akileraarut sanaartorermik ingerlatisuneersut aammalu CO2-mut atatillugu aningaasartutissat. Tamanna siusinnerusukkut naatsorsuinerni ilaavoq.

### *3.2 Malussajassutsimik nalilersuinerit*

Suliniutinut siunissami ukiunut amerlasuunut atuuttussani naatsorsuisarnerit aallaaveqartarpuit naatsorsuutigisanik assigiinngitsunik arlaqartunik, tamarmik aningaasarsiornerup piujuannartitsinermik tunngavilimmik sunnerneqartarneranik imaqartunik. Misissorumallugu suliniummi aningaasaqarnerup allannguinernit qanoq sunnerneqarsinnaanera naatsorsuutigeriikanut tunngatillugu, erseroq qanoq angusassatut naatsorsuutigisat sunneruminartigisarneri naatsorsuutigeriikkat allanngornerisigut, assersuutigalugu orsussap akiata allanguutaani, pisariaqartitsinerit piumanerillu allannguutaanni, erniani il.il.

Nalilersuinermi matumani aallaaviusussani arlaqartuni malussajassusissaq isiginiarneqarsimavoq. Pingaernerit tassaapput:

- Orsussap akiisa allannguutaat (uulia)
- Diskontup erniaata allannguutai
- Aningaasalersuutissani allannguutit
- Inuaqatigiit Nuummi amerliartornissaasa allannguutaat
- Erngup nukinganik nukissiorfiit qanoq sivisutigisumik atasinnaanerisa allannguutaat
- Innaallagissamik atuinerup allannguutai, annertusiartortumik innaallagissamik tunisaqaleriartornermi.

Tamatumalu saniatigut malussajassutsimut naatsorsuusiorqarsimavoq CO2-p kiilumut akia inuaqatigiinnut sunniutaasussani ilaasimassagaluarpat qanoq issanersoq pillugu. Aningaasartuulli taanna ataatsimut naatsorsuusiat inernissaannut ilanngunneqanngilaq Kalaallit Nunaanni Paris-imisummaqtigiissummi ilaanggimmat.

Tabeli 8 ataaniittooq takutitsivoq malussajaassutsimik nalilersuinerit inernerannik. Tabelip ersersippaa inuaqatigiit aningaasarsiornerannut suliniutip naliliivigineqarnera, aallaavittut tunngaviusut allanngorneranni, allannguineq qanoq inernissaanut sunniuteqassanersoq takujumallugu.

*Tabeli 8. Malussajassutsimik naatsorsuineq inuaqatigiit aningaasarsiorneranni suliniutip nalilersuivigineqarnerani*

Malussajassuseq	Takorluugaq tunngavigisaq	Takorluugaq A Nukissiorfilior-neq QAS aamma AAS	Takorluugaq B Allilerineq Nuuk	Takorluugaq C Allinerineq Nuuk, aamma QAS - AAS
Pingaarnertut inernerusut	9.298	8.995	6.055	5.752

Ikummatip akia, uulia + 20%	10.881	10.261	6.664	6.043
Ikummatip akia, uulia, - 20%	7.715	7.728	5.447	5.460
Ikummatip akia, uulia, uulia missingersuut appasittooq	8.369	8.268	5.750	5.649
Ikummatip akia uulia, Nukissiutinut aqutsisoqarfíup kisitsisai	11.927	11.081	6.846	6.000
Power-to-X*	10.043	9.577	6.285	5.819
Diskontsup erniaa, 3%	11.891	11.172	7.175	6.456
Diskontsup erniaa, 5%	7.533	7.505	5.272	5.244
Aningaasanut aningaasartuutit, + 20%	9.372	9.280	6.409	6.317
Aningaasanut aningaasartuutit, -20%	9.224	8.709	5.701	5.186
Aningaasanut aningaasartuutit, + 50%	9.483	9.708	6.940	7.165
Aningaasanut aningaasartuutit, - 50%	9.113	8.281	5.170	4.339
Inuiaqatigiit amerliartorneri, +0,2 %-point	9.761	9.431	6.245	5.915
Inuia. amerliartorneri, -0,2 %-point	8.862	8.582	5.878	5.598
Inuia. amerliartorneri, siunissamut Naatsorsueqqissaartarfik tunngavigalugu **	8.973	8.665	5.996	5.689
Piffissalersuineq ukiut 30	6.244	6.123	4.341	4.221
Piffissalersuineq ukiunut 60-inut	8.666	8.399	5.695	5.428
Innaallagissap atorneqartup annertusiartornera	9.829	9.526	6.206	5.902
Nukissiorfiup naammassisinnaasaa sialuup allanngorarnerani***, +20 %	8.670	8.122	6.055	5.508
Nukissiorfiup naammassisinnaasaa sialuup allanngorarnerani***, -20 %	10.101	10.041	6.134	6.074
CO2-mut aningaasartuutit ilanngulligit	9.429	9.102	6.096	5.769

\*Isumalluartumik takorluugaqarluni aallaaveqarpoq akimik taaneqartumik back-stop pris 6,6 kr./L

\*\*Siunissamut naatsorsuineq 2030 angullugu aallaavigalugu, tamatumalu kingorna 2050-ip tungaanut qaffakkiartorneq, 2011-2030-imi ukiumut agguaqatigiissitsineq aallaavigalugu.

\*\*\*Tunngaviusutut Nuummut tunngatillugu takorluukkap malussajassusia aamma takorluugaq A Qasigiannguani Aasiannilu erngup nukinganik iluaqteqarluni nukissiorfiliornermi.

Paasissutissat ukunannga: NIRAS, Inuiaqatigiit aningaasarsiorneranni kingunerisassanik naatsorsuinerit Kalaallit Nunaanni, 2021.

Naatsorsorneqarsimanngillat malussajassutsit assigiinngitsut. Kisiannili orsussap akiata appasinnerungaatsialersinnaanera aammalut malunnaatilimmik sanaartornermut aningaasartuutit qaffasinnerulersinnaaneri missingersuusiasunut sanilliullugu assersuutigalugu isumaqassaaq takorluukkap A-p takorluukkamit tunngaviusumit qaffasinnerulerinissaanik.

*Tabeli 9. Tunngaviusumik takorluukkamut atatillugu inuiaqatigiinni aningaasartuutinut malussajassuseq*

Malussajassuseq	Takorluugaq tunngavigisaq	Takorluugaq A Nukissiorfiliorneq QAS aamma AAS	Takorluugaq B allilerineq Nuuk	Takorluugaq C Allilerineq Nuuk, aamma QAS - AAS
Pingarnertut inernerusut	100%	97%	65%	62%

Ikummatissap akia, uulia, + 20%	100%	94%	61%	56%
Ikummatissap akia, uulia, - 20%	100%	100%	71%	71%
Ikummatissap akia, uulia missingersuut appasittooq	100%	99%	69%	67%
Ikummatissap akia, uulia Nukissiutinut aqutsisoqarfiup kisitsisai	100%	93%	57%	50%
Power-to-X*	100%	95%	63%	58%
Diskontsup erniaa, 3%	100%	94%	60%	54%
Diskontsup erniaa, 5%	100%	100%	70%	70%
Aningaasanut aningaasartuutit, + 20%	100%	99%	68%	67%
Aningaasanut aningaasartuutit, -20%	100%	94%	62%	56%
Aningaasanut aningaasartuutit, + 50%	100%	102%	73%	76%
Aningaasanut aningaasartuutit, - 50%	100%	91%	57%	48%
Inuiaqatigiit amerliartorneri, +0,2 %-point	100%	97%	64%	61%
Inuiaqatigiit amerliartorneri, -0,2 %-point	100%	97%	66%	63%
Inuia. amerliartorneri siunissaq naatsorsueqqissaartarfik tunngavigalugu**	100%	97%	67%	63%
Piffissalersuineq ukiut 30	100%	98%	70%	68%
Piffissalersuineq ukiut 60	100%	97%	66%	63%
Inn. Atorneqartup annertusiartornera	100%	97%	63%	60%
Nukissiorfiup naammassinaasaa sialuup allanngorarnerani***, +20 %	100%	94%	70%	64%
Nukissiorfiup naammassinaasaa sialuup allanngorarnerani***, -20 %	100%	99%	61%	60%
CO2-mut aningaasart. ilanggulligit	100%	97%	65%	61%

\*Isumalluartumik takorluugaq aallaaveqarpoq akimik taaneqartumik back-stop pris 6,6 kr./L

\*\*Siunissamut naatsorsuineq 2030 angullugu aallaavigalugu, tamatumalu kingorna 2050-ip tungaanut qaffakkiartorneq, 2011-2030-imi ukiumut agguaqatigiissitsineq aallaavigalugu.

\*\*\*Tunngaviusutut Nuummut tunngatillugu takorluukkap malussajassusia aamma takorluugaq A

Qasigiannguani Aasiannilu erngup nukinganik iluaquteqarluni nukissiorfiliornermi.

Paassisutissat ukunannga: NIRAS, Inuiaqatigiit aningaasarsiorneranni kingunerisassanik naatsorsuinerit Kalaallit Nunaanni, 2021.

Naatsorsuinerit ersersippaat takorluugaq C Utoqqarmiut Kangerluarsunnguanni erngup nukinganik iluaquteqarluni nukissiorfiup allilerneqarneranik ilaquitoq, aammalu nukissorfissamik nutaamik Qasigiannguanut aamma Aasiannut pilersuisussamik ilaquitoq pissutsit naatsorsuutigisaasut allannguuteqarsinnaanerannut allanngujaatsorujussuusut. Takuneqarsinnaavoq pitsaanngitsup tungaanut sunniuteqassagaluarpalluunniit, sanaartornermi aningaasartuutit annertuumik qaffariaateqarnerannik, aammalu uuliap akiata annertuumik appariaateqarneranik, inuiaqatigiinniit ataatsimut isigaluni taakkua aningaasaliinerussasut peqqissut.

Tamanna aamma atuuppoq Utoqqarmiut Kangerluarsunnguanni allilerineq kisimiitillugu (takorluugaq B). Takorluugaq A, erngup nukinganik iluaquteqarluni Qasigiannguanut aamma Aasiannut pilersuisussamik kisimiitillugu nukissiorfiliorneq malussajassutsit naatsorsorneqarneranni allanngujaassusia annikinneruvoq. Sanaartugassanut aningaasartuutissat qaffasingaatsiarneri, innuttaasut amerlassusaannut sanilliullugu, minnerunngitsumik uuliap akiata

appasinnerani, sanaartugassanullu aningaasartuutit qaffasinneranni, inernerusussaq sunnerneqassaaq.

### *3.3 Ingerlatsinermi aningaasartuutitsigut Nukissiorfinnut sunniutaasussat*

Inuaqatigiinni aningaasarsiornermut sunniutaasussanik suliniummut atatillugu nalilersuinermi ingerlatsinermut tunngasutigut naatsorsuusiortoqarsimavoq, Nukissiorfiit ingerlatsineranni aningaasarsiorneq aallaavigalugu. Naatsorsuinerit imaqarput ingerlatsinermut suliffeqarfiallu aningaasaqarnerannut naatsorsuusianik, immikkualuttortalersuisunik erngup nukinganik iluaquteqarluni nukissiorfiit aningaasarsiornerannik, Nukissiorfiit aningaasarsiornerannut atatillugu ukiunut 30-inut atuuttumik. Nukissiorfiit ingerlatsinermut aningaasarsiornerat naatsorsuusiorneqarpoq sanaartukkanut aningaasaliisarnerit sanilliunneqarnerisigut aammalu siunissami ingerlatsinissamut aningaasartuutissat, kiisalu isaatissatut naatsorsuutigineqartut.

Naatsorsuinerni ersipput tunngaviusut arlaqartut, tassani aamma innaallagissap, erngup aamma kiassaanerup akii, kiisalu erniat aammalu nalikilliliisarnerni il.il. tunngaviusartut. Angusassanut tunngaviusut pingarnerit tassaapput innaallagissap, erngup aamma kiassanerup akiisa allannguuteqartannginnissaat uuliap akiata qaffakkiartornera ilutigalugu, aammalu Utoqqarmiut Kangerluarsunnguanni nukissiorfiup innaallagissamik nioqquqtiissiornerata annikilliartunnginnissa, aallaavittut tunngaviusuni imermik amigaateqarnermik peqquteqartumik. Naatsorsueriaaseq taanna piuminareruvoq takorluukkatt assigiinngitsut sanilliuttarnerini, kisiannili aamma tunngaviusumik takorluukkami isumaqarluni Nukissiorfiit erngup nukinganik nukissiorfiliortoqanngippat amigartoorteqlissasut.

Suliffeqarfittut namminersortitatut periarfissaqarpoq akinik aqutsisinnaanermut, inuaqatigiinni pisariaqartitsinernik tunngaveqartumik. Suliffeqarfittut namminersortitatut ingerlatseqatigiiffik aqunneqarpoq aningaasartuutikinnerpaanissamik atuisartunut tunngaveqartumik, sinneqartoortinillu katersisussaanani aningaasaliissutissanut annerusunut atugassanik, imaluunniit piginnittunut sinneqartoortisitisinissamik siunertaqartumik. Tamanna isumaqanngilaq ingerlatseqatigiiffik oqimaaqatigiissitsisarnermik aningaasalersueqqittarnernillu ilaqtarmata. Ilanngullugulu aamma oqaatigineqarsinnaavoq innaallagissap qamittakkap akia qaffariartortinneqarnikuunngimmat uuliap akiisa qaffakkiartuaarnissaannik naatsorsuutigisaqarnermik peqquteqartumik, tungaviusimasunik inuaqatigiinni ingerlatsinermilu aningaasartuutit naatsorsorneqarneranni. Akinut politikki maanna Nukissiorfinnut atuuttuusoq aallaaveqarpoq innaallagissamik qamittakkamik atuinermi uuliap akia naapertorlugu aaqqissuussisoqartassasoq, taamaattumillu ingerlatsinermi aningaasaqarneq nalilersorneqarsimasoq Nukissiorfiit aningaasarsiornissaannik niuerermik tunngaveqartumik ajunngitsumik nalilersuinermi annikinaarisqarsimavoq.

Tabeli 10 ataaniittooq takutitsivoq takorluukkani assigiinngitsuni ingerlatsinerup kingunerisassaanik assigiinngitsunik. Tabeli ersersitsivoq allannguutinik aningaasani kaavliaartitani, ingerlatsinermut aningaasartuutini, ikummatissat akiini aammalu naammassisani, erngup nukinganik iluaquteqarluni

nukissiornermik tunngaveqartuni, taakkualu qanoq aningaasaqarnikkut ingerlatsinermut sunniuteqarnerinik. Ungalusanik naatsorsuinerit tassaapput kisitsisit negativiusut.

Tabelimi 10-mi ersippoq ingerlatsinermi aningaasartuutit, piffissami ukiut 30-it ingerlaneranni isigalugit, inuiaqtiginni aningaasartuutinik naatsorsuinermut naapertuuttut, arlariillutik takutitsimmata takorluukkamik C-mik naammassisqaqarnermik, erngup nukinganik iluaquteqarluni nukissiorfiliassat pineqartut arlariit sananeqarnerisigut, taannalu aaqqiineq imminut akilersinnaanerpaajusooq. Taakkua malitseqarput Utoqqarmiut Kangerluarsunnguanni erngup nukinganik iluaquteqarluni nukissorfissamik taamaallaat sananermik (takorluugaq B), akilersinnaanerpaap tullerisaanik. Kiisalu aamma erngup nukinganik iluaquteqarluni nukissiorfiliorneq Qasigiannguanut aamma Aasiannut pilersuisussamik tunngaviusutut takorluukkamit akilersinnaaneruvoq, tassalu erngup nukinganik iluaquteqarluni nukissorfissanik sanasoqannginnissaaniit.

*Tabeli 10. Ingerlatsinermi aningaasarsiornikkut angusat*

Ingerlatsinermi angusat allannguutsigut maanna naliusut allannguutaat (mio. kr.)	Takorluugaq tunngaviusoq	Takorluugaq A Nukissiorfiliorn eq QAS aamma AAS	Takorluugaq B allilerineq Nuuk	Takorluugaq C allilerineq Nuuk, QAS aamma AAS
Kaaviiartitat allannguutaat, Nuuk	646	646	4.094	4.094
Kaaviiartitat allannguutaat, QAS-AAS	-	766	-	766
<b>Kaaviiartitat allannguutaat katillugit</b>	646	1.412	4.094	4.860
Ingerlatsinermi aningaasartuutit allannguutaat (ikummatit ilanngunnagit), Nuuk	272	272	154	154
Ingerlatsi. aningaas. allannguutaat (ikumm. ilanngunnagit), QAS-AAS	4	165	4	165
<b>Ingerlatsi. aningaasartuutit allannguutaat (ikumm. ilanngunnagit), katillugit</b>	276	436	158	319
Ikummatissanut aningaasartuutit allannguutaat, Nuuk	1.486	1.486	76	76
Ikummatissanut aningaasartuutit allannguutaat, QAS-AAS	84	-808	84	-808
<b>Ikumm. aningaasart. allanng. katillugit</b>	1.570	678	160	-732
Aningaasalersuinermut aningaasartuutit, Nuuk	170	170	1.522	1.522
Aningaasalersuinermut aningaasartuutit, QAS-AAS	97	1.153	97	1.153
<b>Aningaas. aningaasartuutit katillugit</b>	267	1.323	1.619	2.675
Ingerlatsinermut aningaasartuutit allannguutaat, Nuuk	-1.282	-1.282	2.342	2.342
Ingerlatsinermut aningaasartuutit allannguutaat, QAS-AAS	-185	256	-185	256
<b>Ingerlatsinermi aningaasartuutit allannguutaat katillugit</b>	-1.467	-1.026	2.158	2.598
<b>Takorluukkamut tunngaviusumut sanilliullugu allaanerussutai</b>		441	3.624	4.065

*Uannga: NIRAS, Inuaqatigiit aningaasarsiorneranni kingunerisassai, Kalaallit Nunaanni erngup nukinganik iluaquteqarluni nukissiorfiliornerni, 2021.*

Tabelimi ilanngullugu aamma ersippoq takorluugaq A (erngup nukinganik iluaquteqarluni nukissiorfiliorneq Qasigiannguanut aamma Aasiannut pilersuisussamik) kisimi ingerlanneqassappat ingerlatsinermut malunnaatilissuarnik amigartooruteqarfiussasoq. Tamatumunnga pissutaavoq naatsorsuusiornerit aaqqissuunneqarneri Nukissiorfinnut aningaasartuutitut, ikummatissat akiisa qaffakkiartornerannik tunngaveqartut. Amingartoorneq taamaattoq tunngaviusumik takorluukkamiit minneruvoq.

#### **4. Aningaasarsiornikkut allaffissornikkullu inuussutissarsiortunut kingunerisassai**

Naalakkersuisut Nukissiuuteqarnermut Imermillu Pilersuinermut immikkoortumi pilersaarutaanni anguniakkat pingarnerit ilagaat nukissiuuteqarnikkut aaqqissuussinerit nutarteriffingeqarnissaat. Tamatumunnga ilaatigut tunuliaqtaapput pilersuinermi pitsaassutsinik annertunerulersitsineq, kiisalu aamma ungasinnerusumut ataatsimoorussanik aningaasartuutit annikinnerulersinneri, innuttaasunut inuussutissarsiortunullu nukissiuuteqarnikkut tunisaqartarnernut atatillugu. Erngup nukinganik iluaquteqarluni nukissamik nioqquissiornerup kingunerisussavaa nukissiuutinik nioqquissiornermut atatillugu aningaasartuutasartut annikinnerulerneri, nunap piinik orsussanik atuilluni dieselitortumik nioqquissiuuteqarnermut sanilliullugu. Erngup nukinganik iluaquteqarluni nukissiorfiliornerit atortulersuusersuutaat ilanngullugit piffissap ingerlanerani taamaasillutik inuussutissarsiortunut pitsaasunik killiliussanik atugassaqartitsilissapput. Tamatumalu ilanngullugu aamma annikinnerulersissavai nalorninaatit pilersartut uuliap akiata allanngorartarnerisigut, kiisalu niuerakkut oqimaaqatigiissitsineq pitsaanerulersissallugu.

Namminersorlutik Oqartussat erngup nukinganik nukissiorfinnik atortorissaarutitaqartunik aningaasalersuinermut, pilersitsinermut ingerlatsinermullu tunngatillugu aningaasaliisartunut avataaneersunut ataatsimoortumik isumaqatigiissuteqarnissaannut kiisalu taakkuninnga piffissaq erseqinnerusumik aalajangersarneqartoq malillugu Namminersorlutik Oqartussanut tunniussinissamut periarfissamik inatsisissatut siunnersuut imaqrpoq. Inatsisissatut siunnersuummi taamaalilluni BOT-imi isumaqatigiissuteqarnissamut periarfissaq inatsimmi tunngavissalerneqarpoq, tassani aningaasaliisartoq avataaneersoq erngup nukinganik nukissiorfinnik atortorissaarutitaqartunik piffissap erseqinnerusumik aalajangersarneqartup ingerlanerani pilersitsinissamut ingerlatsinissamullu akisussaaffeqlissalluni kiisalu aarlerinaataasut tassunga atasut annertuut nammassallugit. Aningaasalersuinermut taamatut ilusiliinerup taamaalilluni missingersuutit isumannaatsuunerannik annertuumik malitseqassaaq. Tamatuma saniatigut isumaqatigiissummi siunissami nukissiorfiliornerup siunissami ingerlatsinissamut ataatsimoortillugu eqqarsaatigineqarnerani, ilusiliaq aarlerinaataasunik naapertuunnerusumik avitseqatigiinnissamut aammalu tamakkiisumik aningaasaqarnerup pitsaanerunissaanut tunngavissiissaq.

#### **5. avatangiisinut pinngortitamut innuttaasullu peqqissusiannut kingunerisassai**

Siunnersuut aalajangersaavoq atugassarititaasunik killiussassanik sanaartornissanut, aningaasalersuinissanut aamma ingerlatsilernissanut erngup nukinganik iluaquteqarluni nukissiorfinnik Nuummut kiisalu aamma Qasigiannguanut Aasiannillu pilersuisussanik. Inatsisinik allanik tunngaveqarput, matumaní aamma Erngup nukingata nukissiornermut atorneqartarnera pillugu Inatsisartut inatsisaat, aamma Avatangiisit innarlitsaaliorneqarnissaanik Inatsisartut inatsisaat, eqqarsaatigalugu akuersissuteqartoqarsinnaanersoq erngup nukinganik iluaquteqarnikkut atortulersuutitalinnik nukissiorfiliorcqarsinnaanersoq, aammalu tamatumani qanoq ittunik atugassarititaasoqassanersoq eqqarsaatigalugit.

Maanna Utoqqarmiut Kangerluarsunnguanni Nuup eqqaani erngup nukinganut nukissiorfeqareerpoq. Erngup nukinganik iluaquteqarluni nukissiuutitai nammineq qaqqap iluani 600 miiterinik ilorpasitsigisumiipput, aammalu nukissiuuteqarfimmiiit sullorsuaqarluni 14 km.-inik takissusilimmik imeqarfiusumut Kangerluarsunnguup tasiani. Erngup nukinganik iluaquteqarluni nukissiorfiup pioereersup allinissaani nukissiummik nutaamik ikkussisoqassaaq, maanna innaallagissap aqqutaanut pioereersunut Utoqqarmiut Kangerluarsunnguanneersunut attavilerneqartussamik. Tamatumalu kingunerissavaa teknikkimut tunngasunik atortulersuusersuinissat, kiisalu atortulersuutinik allanik tamatumunnga attuumassuteqartunik ikkussuinissat, nukissiummik sillimmatissamik ikkussuinissaq aammalu illutaliornissaat, saniatigullu aamma Nuummi attaveqaasersuutit annertusineqarnissaannut aningaasaliissuteqarnissat Nuup illoqarfiani. Kiisalu aamma sullorsualiorcqassaaq maanna imeqarfiusumut Kangerluarsunnguup tasianut tatsimiit allamiit, tassa Isortuarsup tasianiit, kujasinnerusumi 16 km.-inik inisisimasumiit.

Qasigiannguit aamma Aasiaat eqqaanni nutaamik erngup nukinganut nukissiorfiliornissaq siunnerfiuvoq. Tamatumani ilaavoq nukissiuuteqarfimmik kangerluup Kangersunerup eqqaani pilersitsinissaq, kiisalu aamma sullorsualiorqassaaq tatsit Kuussuup tasiata aammalu Qinngap Ilulialeralata akornanni, nukissiorfiup imeqarfittassaanut atasumik. Tabit Qasigiannguit kujataata kangiani 20 km-it miss. Inisisimapput. Tamatuma saniatigut aamma atortulersuutissanik, soorlu teknikkimut atortunik kiisalu attaveqaasersuutinik sullissinermilu atortussanik sanaartortoqassaaq, aamma illutassanik, saniatigullu aamma aningaasaliissuteqartoqarluni attaveqaasersuutinut kiisalu Qasigiannguani aamma Aasianni nassiuussuinernut atortunik. Innaallagissap aqqutissaanik pilersitsisoqassaaq, nukissiorfimmit innaallagissamik illoqarfinnut ingerlaartitsisartussanik.

Innaallagissap aqqutissai pilersinneqarsinnaapput periaatsit assigiinngitsut atorlugit. Qasigiannguanut innaallagissamut silaannakkut aqqusiortoqarsinnaavoq 31 km. -it missaannik takissuseqartumik, aammalu Aasiannut innaallagissap aqqutissaanik 114 km.-it missaannik takussuseqartussamik. Tamatumani pisariaqassaaq Aasiannut innaallagissap aqqutaasa Naternami nunakkut (narsartarsuaq marraasoq) Ramsar naapertorlugu illersugaasup sinaatigut ingerlatinneqarnissaa. Periarfissaq alla tassaassagunarpoq immap naqqatigut kabelililiineq aammalu silaannakkut aqqusiineq Qasigiannguaniit, taamalu sumiiffiup Ramsar-eqarfiusup avataatigut.

Aaqqiissutissarli taanna akisunerussaaq, soorluttaaq aarlerinaateqassasoq kabelip immap naqqatigoortup umiarsuarnit imaluunniit iluliarsuarnit innarlerneqarsinnaanera. Kisiani taanna teknikkikkut isigalugu aaqqiissutissaanngilaq inassutigineqarsinnaasoq, pissutigalugu kabelip innarlerneqarsinnaanera, innaallagissamik diesel-itortut atortorissaarutit atorlugit pilersuisoqarallartussanngorlugu. Taamatullu innaallagissap aqqutaanik immap naqqatigoortumik ajutoorneq naatsorsuutigineqarpoq nalunaarasuartaaserinikkut kabelip immap naqqatigoortup ajoquuserneraniit suliarissallugu pisariunerussaqisoq. Taamaattumik aqqutaa tamaat innaallagissap aqqutaanik silaannakkoortitsinissaq akikinnerpaassaaq qularnaannerpaallunilu, nukissiuuteqarnikkullu isigalunilu piumaneqarnerussalluni. Immap naqqatigut kabeli atorlugu aaqqiissutissaq periaarfissap aappaatut misissorneqarpoq 2012-imi, pinngortitamut kingunerisassaanik nalilersuinermi. Silaannakkut aqqusiinissamut atatillugu, sumiiffiup Ramsar-eqarfiusup sinaatigut, ersippoq pinngortitamut sunniutaasussanik nalilersuinermi “innaallagissap aqqutissaanik pilersitsinissaq pilersaarutigineqartutut nalilerneqanngilaq annerusumik akornusersuisussatut kalaallit nerlerisa meqquerfigisagaanni. Sanaartorneq aamma ingerlatsilernissaq erngup nukinganik nukissiorfissamik uumasunut aamma naasunut sumiiffimmi annerusutigut sunniuteqartussaatinneqanngilaq.” Sanaartorneup kingornagut naatsorsuutigineqanngilaq pinngortitaq sunniuteqarfigineqassasoq.

Suliaqartoqassaaq piumasaqaataasutut ASN-imut misissuiner mik, erngup nukinganik nukissiorfiliornissamut atatillugu, ilanngullugit atortulersuutit Nuummut pilersuinermut atatillugu, kiisalu aamma Qasigiannguanut aamma Aasiannut pilersuinermut atatillugu. Misissuinerit tamanut ammasunik tusarniaanernik ilaqqassapput, inaarutaasumik akuersissuteqarnissat siunnerfigalugit. Maanna pissutsit atuuttut tunngavigalugit oqaatigineqareersinnaanngilaq sunniutaasussat qanoq ittut siunnersuutip matuma avatangiisinut aamma pinngortitamut kingunerisinnaanerai, siuliani innaallagissap aqqutaanut sunniutaasussat eqqaaneqareersut saniatigut. Taamaattoq eqqaaneqareersutit maannamut misissuinertigut tunngavissaqarsimanngilaq pasitsaassaqartoqaranilu pitsaanngitsunik avatangiisinut aammalu pinngortitamut sunniutaasinnaasunik. Tamanna inaarutaasumik isummerfigineqartussaassaaq, tamatumani aamma siuliani eqqaaneqartutut innaallagissap aqqutaasa sumiiffimmi Naternami Ramsar-eqarfiusukkoornissaat eqqarsaatigalugu, ASN-imik misissuinerit pisussaaffiusut suliarineqarnerini.

Avatangiisinut tunngasumik suliat erngup nukinganik iluaquteqarluni nukissiorfinnut atortulersuutaat ilanngullugit Nuummut pilersuisussamut kiisalu Qasigiannguanut aamma Aasiannut pilersuisussamut pissaaq inatsisit suliamut atuuttut naapertorlugit, tamatumani aamma Namminersorlutik Oqartussat nalunaarutaat sanaartukkat ilaasa avatangiisinut qanoq sunniuteqartarneri pillugit nalilersuisarneq pillugu, aamma avatangiisinik nakkutilliinermut akiliutaasartut pillugit aalajangersakkat. Nalunaaruteqartoqartussaavoq sanaartukkat erngup nukinganik iluaquteqarluni nukissiorfiit atortulersuutitallit Nuummut aamma Qasigiannguanut Aasiannillu pilersuisussat pillugit, nalunaarummi eqqaaneqartumi aalajangersakkat naapertorlugit.

Kiisalu aamma suliaqartoqassaaq Avatangiisinut Sunniutissat Pillugit Nalilersuinermik (ASN-nalunaarusiaq) sanaartornermi erngup nukinganik iluaquteqarluni nukissiorfinnik Nuummut pilersuisussamik kiisalu Qasigiannguanut aamma Aasiannut pilersuisussamik. Nukissiorfiit suliarissavaat taakkua ASN-imi nassuaasiat, qularnaareqataasussat Naalakkersuisut pisariaqartunik paasissutissinneqarnissaannik sanaartukkat avatangiisinut sunniutigisinnaasaat pillugit, pilersitsinissamut akuersissuteqarnissamut atatillugu, allilerinissamut imaluunniit sanaartugaatinik allanguuteqartitsinissamut tunngatillugu. ASN-mi nassuaasiaq aamma peqataassaaq qularnaarinissami Naalakkersuisut akuersinerminni pisariaqartunik paasissutissanik peqarnissaannik atugassarititaasunik aalajangersaanissaminni, sanaartukkat avatangiisinut sunniutigisinnaasaasa annikinnerpaaffissaminiinnissaat eqqarsaatigalugit. Aalajangersagaqarpoq periaasissanik ASN-imik suliaqarnerni innuttaasut akulerunneqarnissaat pillugit. Naalakkersuisut ASN-imi nassuaasiatnik suliarinninneranut atatillugu aammalu tusarniaanermi akissutinik suliarinninnermi, ilaatigut isummerfigineqartussaassapput sanaartornermut atatillugu atugassarititaasinnaasut.

## **6. Innuttaasunut kingunerisassai**

Erngup nukinganik iluaquteqarnikkut nukissiorfiliornerup innaallagissamik nioqquteqarneq sunniuteqarfingavianiingilaa. Tamatumalu ilaatigut kinguneraa Naalakkersuisut pilersuinermillu ingerlatsisuuusut allat suli ingerlaqqittumik pisussaaffeqartut naammassisqaqrifulluartumik naammattumillu innaallagissamik, imermik aamma kiassanermik pilersuisussaatitaanerat, illoqarfinni nunaqarfinnilu sullitanut. Tamatumalu ilanngullugu aamma kingunerissavaa Naalakkersuisut ingerlaqqittumik innaallagissamut akitsutinik akinillu aalajangiisartuuneri. Siuliani 2.1-imi inatsisit atuuttut pillugit immikkoortoq innersuunneqassaaq.

Naatsorsuutigineqarpoq malunnaatilinnik pitsaasunillu innuttaasunut sunniuteqarnissaa, siunissamut qularnaakkanik imminullu akilersinnaasunik atortulersuuteqarnikkut, piffissamut ungasissumut periarfissaqartitsisunik nukissiuutit akiisa appasinnerunissaannik, ikummatissanik atuinermut sanilliullugu.

## **7. Allatigut pingaarutilinnik kingunerisassai**

Siunnersuut allatigut pingaarutilinnik kingunerisassaqanngilaq.

## **8. Pisortanik, katuffinnik il.il. tusarniaaneq**

Siunnersuut ulluni 18/5 2021 pisortat tusarniaasarnernut quppersagaanni [www.naalakkersuisut.gl](http://www.naalakkersuisut.gl) tamanut takusassiarineqarsimavoq, tusarniaaneq piffissalerlugu 18/6 2021-imut.

Siunnersuut piffissami 18/5 2021-imiit 18/6 2021-imut tusarniaassutigineqarsimavoq makkunani tusarniaavigineqartartuni: Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, KANUNUPE, SIK (Sulinermik Inuussutissarsiuteqartut Kattuffiat), Sulisitsisut (GE), Mittarfeqarfiiit, Nukissiorfiit

Royal Arctic Line A/S, Asiaq, Grønlandsbanken A/S, BankNordik, Visit Greenland, Transparency Greenland, WWF Greenland, KNAPK, Pinngortitaleriffik, Timmiaq, KNI, Kalaallit Nunaata Katersugaasivia Allagaateqarfialu.

Tusarniaanermiit akissutinik ukunannga tigusaqartoqarpoq: Flemming Hybholt, Sulisitsisut (GE), Qeqqata Kommunia aamma Timmiaq.

Tusarniaanermiit akissutaasut tamanut takusassiarineqarput tusarniaasarnernut quppersakkami [www.naalakkersuisut.gl](http://www.naalakkersuisut.gl). Tak. tusarniaanermiit akissutaasoq.

### **Siunnersummi aalajangersakkanut ataasiakkaanut oqaaseqaatit**

#### *§ 1-imut*

Siunnersummi aalajangersarneqarput killiliussatut atugassarititaasussat sanaartornermi, aningaasalersuinermi aammalu ingerlatsinermermi erngup nukinganik iluaquteqarluni nukissiorfinnik atortulersuutaat ilanggullugit Nuummut, kiisalu Qasigiannguanut aamma Aasiannut pilersuisussanik nukissiorfiliornernut.

Siunnersuut pingaarnertut siunertaqarpoq nukissiuuteqarnikkut qorsuusumik ingerlatsinermerik taaneqartartumut ikaarsaariartornerup ilaatut. Erngup nukinganik iluaquteqarluni nukissiorfiliornernik suliniutinik piviusunngortitsineq Nuummut kiisalu aamma Qasigiannguanut Aasiannillu pilersuisussanik peqataassaaq nukissiuutinik piujuannartitsinermerik tunngavilinnik atuinerup annertunerulernissaanut, aammalu taamaasilluni ilalersuutaassalluni nukissiuutinik piujuannartitsisunik atuinermut, nukissiuuteqarnerullu nutarterneqarneranut, Naalakkersuisut Nukissiuuteqarnikkut Imermillu Pilersuinikkut Immikkoortumi Pileraarutaannut atatillugu. Suliniutillu piviusunngortinneqarnera aammattaaq ilalersuisuussaaq immikkoortumut pilersaarutip anguniagaanut, erngup nukinganik iluaquteqarluni nukissiorfiliornikkut Qasigiannguit aamma Aasiaat pilersorneqalernissaannik, kiisalu aamma maanna illoqarfinni arfinilinni erngup nukinganik nukissiorfeqarfiusuni aningaasaliisoqartarnissaanik qularnaarumallugu illoqarfinni pineqartuni innaallagissamik aamma kiassaanermik pisariaqartitsinerit tamakkiisumik naammassineqarnissaannik. Immikkoortumut pilersaarut aamma aalajangiiffigisassatut siunnersuut UPA2019/165 tunuliaqtalaralugu sammisami tessani Naalakkersuisut Inatsisartut ukiakkut 2019-imi ataatsimiinneranni aalajangiiffigisassatut siunnersuut Inatsisartunut saqqummiuppaat, Naalakkersuisut peqquneqassasut sulissutigissagaat sulissutigineqassasoq erngup nukinganik iluaquteqarnikkut Qasigiannguit aamma Aasiaat nukissiuuteqarnikkut pilersorneqalernissaannut sanaartornissap sulissutigineqarnissaanik, kiisalu erngup nukinganik nukissiorfiup Nuummut pilersuisup allineqarnissaanik (UKA 2019/153). Aalajangiiffigisassatut siunnersuutip

akuersissutigineqarneratigut Naalakkersuisut pisussaaffilerneqarput kingusinnerpaamik Inatsisartut 2020-imi ukiakkut ataatsimiinneranni saqqummiutissagaat siunnersuut erngup nukinganik iluaqteqarluni nukissiorfiliornissanik, aningaasalersuinissamut siunnersuut aamma erngup nukinganik ingerlatsinermut siunnersuut, aningaasalersuinissamut ilusiliatut siunnersuutit periarfissaasut killiliussaasa iluanni, pilersitsisoqassasoq pisariaqartunik inatsisitigut tungavissanik ilusiliap qinerneqartup iluani, sanaartornissanut, aningaasalersuinissamut aammalu ingerlatsinissamut erngup nukinganut nukissiorfinnik. Suliniut naammassinnittuussaaq niuernikkut piumasaqaataasunik inuiaqtigiiit aningaasarsioreranni kingunerisassaanik nalilersuisarnermut Ilitsersuummi. COVID-19-ip aamma Inatsisartunut qinersinerup ulloq 6. april 2021 ingerlanneqartup kingunerisaanik siunnersuut 2021-imi ukiaanerani ataatsimiinnermi saqqummiunneqarpoq.

Siunnersuutikkut taamaasilluni aalajangersarneqarput killiliussat ileqqussallu qitiusut sanaartornissamut atortulersuutitalinnik Nuummut pilersuinermut kiisalu Qasigiannguanut aamma Aasiannut pilersuinermut, tamatumunngalu atatillugu aningaasalersuinissamik ingerlatsinissamillu.

### *§ 2-mut*

Aalajangersakkami nalunaarsorneqarput inatsimmi pingarnertut siunertaasut, tassa Naalakkersuisut Utoqqarmiut Kangerluarsunnguanni erngup nukinganik iluaqteqarluni nukissiorfik Nuummut pilersuisoq allissagaat, kiisalu erngup nukinganut nukissiorfimmik nutaamik Qasigiannguanut aamma Aasiannut pilersuisussamik sanatitsissasut.

### *§ 3-mut*

Aalajangersakkami nalunaarsorneqarput sanaartugassat tigussaasunik annertussusaat aammalu aalajangersarneqarluni Utoqqarmiut Kangerluarsunnguanni nukissiorfiup Nuummut pilersuisoq allineqassasoq nukissiummik nutaamik Utoqqarmiut nukissiorfittaanni, innaallagissallu aqqtai maanna pioreersut aqqtigalugu ingerlatinneqartassasoq, kiisalu Kangerluarsunnguup tasiata aammalu Isortuarsuup tasiata akornanni sullorsualiortoqassasoq erngup aqqtissaanik. Tamatuma aamma kingunerissavaa pisariaqartunik teknikkimut tunngasunik atortulersuusersuinissat kiisalu attaveqaasersuinissat allanillu attuumassuteqartunik atortulersuinissat, aamma illutassat. Tamakkualu ilaatigut aamma tassaasinnaapput sillimmatitut diselitortumik nukissiuut, Nukissiorfiit maanna erngup nukissiorfiannut atatillugu, illoqarfinni innaallagissap aqquaasa nukitorsarneqarnissaat, innaallagissamik iluaqteqarluni imermik kissaassutitsigut iluaqteqartoqarsinnaaqquallugu aammalu elpatroninik taaneqartut inuinnarni pisortanilu sullitani atuisoqarsinnaalersikkumallugu, kiassaaneq innaallagissamoortunngortikkumallugu, ungasissumiittunik kiassaaneq annertusarumallugu kiisalu attaveqaasersuutissat erngup nukinganik iluaqteqarluni nukissiorfiup nioqquaanik tunisaqalerulerumalluni. Utoqqarmiut Kangerluarsunnguanni erngup nukinganik iluaqteqarluni

nukissiorfiup Nuummut pilersuisup allineqarnissaa tamatuma saniatigut kinguneqassaaq innaallagissap aqqutaasa Utoqqarmiut Kangerluarsunnguanniit Nuummut ingerlasut tamakkiisumik atorneqalernerannik, sananeqarnerminni ingerlaartitsiviusinnaammata 100 MW-mik.

Pisariaqartitsisoqarpoq erngup nukinganik iluaquteqarluni Nuummut pilersuinermi annertusaanissamik, nukissiuutnik piujuannartitsisunik iluaquteqarnerup maanna atuuttup annertussusia attanneqaannassappat. Tamanna isumaqarpoq pisariaqartitsisoqartoq Utoqqarmiut Kangerluarsunnguannut atasumik imeqarfip annertusineqarnissaanik, maanna ingerlatsineq attatiinnarsinnaajumallugu, kiisalu aamma nioqqutissiorneq annertusisinnajumallugu. Utoqqarmiut Kangerluarsunnguata tasianut erngup kuuttup annertussusia ilaneqarsinnaavoq tatsimik allamik iluaquteqarnikkut, Isortuarsuup Tasia, maanna imeqarfiusumiit kujammut 16 km missaannik inissisimasumiit. Uuttortaanerit Asiamit ingerlanneqartut naapertorlugit Isortuarsuup Tasia ukiumut ilivitsumut kuuffiusarpoq imermik maanna Kangerluarsunnguup Tasianut kuuttartup pingasoriaataanik. Tatsit taakkua marluk akornanni sullorsuamik pilersitsisoqarpat taava imeq Isortuarsuup Tasianeersoq Kangerluarsunnguup Tasianut ingerlatinneqarsinnaavoq, tassuunalu qularnaarneqarsinnaalluni imermik annertuumik Utoqqarmiut Kangerluarsunnguanni erngup nukinganik nukissorfimmi atugassaq.

#### § 4-mut

Aalajangersakkami aalajangiunneqarpoq erngup nukinganik iluaquteqarluni nukissorfiliornermi nutaamik Qasigiannguanut aamma Aasiannut pilersuisussamik suliassap ilagigaa nukissorfik kangerluup Kangersuneq eqqaaneq, sullorsualiorneq tatsit Kuussuuup Tasiata aamma Qinngap Ilulialeeraata Qasigiannguaniit kujammut kanginut 20 km missaannik ungasissusilimmittuni, kiisalu innaallagissap aqqutaani nukissorfimmit Kangersunermi Qasigiannguanut aamma Aasiannut pilersitsineq. Tamatuma ilagaa teknikkimut atortulersuusersorneq kiisalu attaveqaasersorneq suliassanillu taakkununnga assingusunik pilersitsinissat illutaliornerlu. Tamatumani ilanngullugu pineqarsinnaavoq sillimmatitut diesel-itortumik innaallagissorfik, illoqarfinni innaallagissap aqqutaasa sakkortusarneri innaallagissap kiassaanermi atorneqarnissaanut, imermik kissaavinnik innaallagissamoortumik ikkussuineq aamma atortulersuutit - elpatron-it inuinnarni pisortanilu sullitani, taakkua innaallagissamik kiassaateqarnermut ikaarsaarnissaannut, ungasissumiittunik kiassaanernik pilersitsortorneq, kiisalu illoqarfimmut qanittunik atortulersuutinik erngup nukingata tunineqartarneranut qularnaarisussanik allanik.

Innaallagissap aqqutai illoqarfinnukartussat pilersinneqarsinnaapput periarfissat assigiinngitsut atorlugit. Innaallagissap aqqutissaanik siaarsisoqarsinnaavoq 31 km missaannik Qasigiannguanut, aammalu innaallagissap aqqutissaanik Aasiannut 114 km missaanik takissusilimmik. Tamatumani pisariaqassaaq Aasiannut innaallagissap aqqutaasa Naternami nunakkut (narsartarsuaq marraasoq) Ramsar naapertorlugu illersugaasup sinaatigut ingerlatinneqarnissaa. Periarfissaq alla

tassaassagunarpoq immap naqqatigut kabelililiineq aammalu silaannakkut aqqusiineq Qasigiannguaniit, taamalu sumiiffiup Ramsar-eqarfiusup avataatigut. Aaqqiissutissarli taanna akisunerussaaq, soorluttaaq aarlerinaateqassasoq kabelip immap naqqatigoortup umiarsuarnit imaluunniit iluliarsuarnit innarlerneqarsinnaanera. Taamaattumik aqqutaa tamaat innaallagissap aqqutaanik silaannakkoortitsinissaq akikinnerpaassaaq qularnaannerpaallunilu, nukissiuuteqarnikkullu isigalunilu piumaneqarnerussalluni.

### *§ 5-imut*

Siunnersummi § 5-imi aalajangersagaq taannaavoq inatsimmi tunngaviusoq aningaasalersuinissap iliuuseqarfigisinnaaneranut.

Imm. 1-imi aalajangersagaq naapertorlugu Naalakkersuisut aningaasanik attartorsinnaapput akiitsunik annerpaaffissalikkanik 3,1 mia. danskit koruuniini. Aalajangersakkami imm. 2 Naalakkersuisunik piginnaatitsivoq aningaasat attartorneqartut imm. 1 naapertorlugu Nukissiorfinnut attartorteqqissinnaanerinut sanaartugassanut aningaasaliissutit, erngup nukinganik iluaquteqarluni nukissiorfinnik sanaartugassamut tamarmiusumut. Aalajangersakkami imm. 3 naapertorlugu Naalakkersuisut attartugaat sanaartugassanut aningaasaliissutissatut aammalu sanaartugassanut atasut aningaasartuutit, aamma erngup nukinganik nukissiorfimmik allilerinermut atortulersuutissai ilanggullugit attartortinnejarsinnaanngillat Naalakkersuisut attartorsimasaanniit pitsaanerusunik atugassaqartitsilluni.

Imm. 4-mi aalajangersagaq naapertorlugu nalunaarusiornikkut Nukissiorfinnut taarsigassarsiariteqqitanut ernianik, imm. 1 naapertorlugu Nunatta Karsiata taarsigassarsianut aningaasartuutanut matussusiisinnaanngorlugit annertussusilikkanut aalajangersaanissamut Naalakkersuisut piginnaatinneqarput. Nunani tamalaani ernianik annertussusiliisarnernei allanguinerit Nunatta Karsiata taarsigassarsiaasa erniaanut sunniuteqartussaapput, taamaattumillu taarsigassarsiteqqinnermi ernianik allanguisarnissaq pisariaqarsinnaavoq, tamannalu pissutigalugu piginnaatitsissuteqarnermut aalajangersagaq Naalakkersuisut ernianik sanaartukkanilu aningaasalersuinermut aningaasartuutinik sunniisinnaasunik iluarsiisarnerisa pisariaqartumik eqaassuseqarnissaannik qulakkeerisussaavoq. Imm. 4-mi aalajangersakkami nalunaarusiornikkut Nunatta Karsiata taarsigassarsinermei taarsigassarsianillu aqutsinermei allaffisornermut aningaasartuutai toqqaannartumik sunnerneqartussat matussusernissaanut pissarsiassanik aalajangersaanissamut Naalakkersuisut piginnaatinneqarput. Provisioni annertussusilerneqassaaq assersuutigalugu kajumissaatit Nationalbank-imi aningaasanik attartornissaq, aningaasanik niuerfiusuni nalinginnaasuni pinani, nationalbanken-imi attartorneq akikinnerpaasinnaammat, tamannalu naleqquttuummat, sanaartugassat Utoqqarmiut Kangerluarsunnguanni erngup nukinganik iluaquteqarluni nukissiorfiup Nuummut pilersuisup allineqarnissaani kiisalu nutaamik nukissiorfiliornissaq Qasigiannguanut aamma Aasiannut pilersuisuusussamik suliffeqarfimmit namminersortitamit unammillerneqanngitsumit ingerlanneqartussaammata. Erngup nukinganik iluaquteqarluni nukissiorfiliassat peqataasussaapput inuiaqatigiit nukissiuutinut piujuannartitsinermik tunngavilinnut ikaarsaariartorneranni pisortanit ingerlanneqartunit,

tamannalu tapersersuisuulluni Nukissiuuteqarnikkut Imermillu Pilersuinikkut Immikkoortumut Pilersaarummik, pisortat nukissiuuteqarnikkut pilersuinerata 2030-imi sapinngisamik annertunerpaamik nukissiuutinit piujuannartitsisunit ingerlanneqalersimanissaanik.

#### *§ 6-imut*

Aalajangersagaq naapertorlugu sanaartornissamik, aningaasalersuinissamik aammalu ingerlatsilerumaarnermik tunngaveqartunik iluaqtissartaqartinneqarpat isumaqatigiissuteqarsinnaapput namminersortumik arlaqartunilluunniit suleqatigisassanik, sanaartornissamut, aningaasalersuinissamut aamma ingerlatsinissamut atatillugu, tak. §§ 1-4, aamma Namminersorlutik Oqartussanut erngup nukinganik iluaquteqarluni nukissiorfinnik piffissamut aalajangeriikkamut tunniussiaarnernik. Aalajangersagaq taanna ammaassivoq periarfissamik isumaqatigiissuteqarsinnaanermut BOT-aftale-imik taaneqartartumik.

BOT-aftale-imik taaneqartup kingunerissavaa Namminersorlutik Oqartussat ataatsimoortumik isumaqatigiissuteqarnerat avataaneersumut aningaasaliisartumut, aningaasalersuinissaq, pilersitsinissaq aammalu ingerlatsisuunissaq erngup nukinganik iluaquteqarluni nukissiorfinnik taakkua atortulersuutaat ilanngullugit, kiisalu piffissami siumoortumik isumaqatigiissutaareersumi nukissiorfinnik Namminersorlutik Oqartussanut tunniussinissamik. Taamatut isumaqatigiissuteqarnikkut avataaneersup aningaasalersuisussap akisussaaffigissavaa nalorninaatinillu nammagassat annertunersaat nammattussaallugit pilersitsinermut aamma ingerlatsinermut erngup nukinganik nukissiorfinnik atortulersuutitalinnik, piffissami ersarinnerusumik isumaqatigiissutaareersumi. Aningaasalersuinissamik aaqqissuussineq taanna aningaasartutissanut missingersuutinik annerusumik qularnaarisuussaaq. AAqqissuussinerlu aammattaaq tunngaviusinnaavoq pissusissamisoortumik nalorninaatit agguarnissaannut, ataatsimullu aningaasaqarnikkut pitsaanerusumik ingerlatsisoqarnissaanut, tunngavigalugu isumaqatigiissummi ataatsimut aalajangersaavagineqassammata siunissami sanaartugassat siunissamilu ingerlatsinissaq.

#### *§ 7-mut*

Imm. 1-imik aalajangersagaq naapertorlugu erngup nukinganik nukissiorfissat atortulersuutaat ilanngullugit Nuummut pilersuisussaq aammalu Qasigiannguanut Aasiannillu pilersuisussaq nunat tamalaat akornanni suliariumannittussarsiuunneqarsinnaapput, siumoortumik toqqariikkanik neqeroortitsinikkut, nunat tamalaat akoranni ileqqusut malitassat naapertorlugit aaqqissuunneqartumik.

Neqeroortitsineq pisinnaavoq nunat tamalaat akornanni isumaqatigiissuteqartarnermut piumasaqaatinullu atugassarititaasut ilisimaneqartut naapertorlugit. Tamatuma periarfissaqartippaa suliassat nunat tamalaat akoranni unammilleqatigiinnikkut neqeroortitsissutigineqarsinnaaneri,

sanaartugassanut aningaasartuutissat nunat tamalaat akornanni taamaattunik sanaartortarnermi unammilleqatigiinneq atorluuarumallugu. Aaqqissuussinerlu aamma peqataasinnaavoq naammattunik sulisussaqarnissap qularnaarniarnerani, matumani sanaartugassat annertuut pineqarmata, Kalaallit Nunaanni sanaartornermi sulisussarsiarineqarsinnaasunit pisariaqartitsiviusartut.

Imm. 2-mi aalajangersagaq naapertorlugu Inatsisartut inatsisaat sanaartornermi neqeroortitsisarneq pillugu atortinnejartussaanngilaq, sanaartugassani § 7, imm. 1, naapertorlugu suliarineqartussaasuni.

Aalajangersakkami qularnaarneqartussaavoq neqeroortitsineq aamma suliassamut isumaqatigiissuteqarneq nunat tamalaat akornanni unammilleqatigiinnermi atugassarititaasunik tunngaveqarnissaat.

#### *§ 8-mut*

Naalakkersuisut Pilersaarusiorneq aamma nunaminertat atorneqartarnerat pillugit Inatsisartut inatsisissaanni § 9, imm. 1-2 naapertorlugit aalajangersinnaareerput nunamut tamarmut pilersaarutit kommunini nunaminertanut pilersaarutitulli inatsisitigut atortinnejartassasut, inuiaqatigiinni soqtigisat annertuut pineqartillugit. Aalajangersagaq ilanngunneqarpoq qularutigineqassanngimmat Naalakkersuisut piginnaatitaanerat qularnaassallugu pilersaarutit tunngavissaat erngup nukinganik iluaquteqarluni pilersuinermut Nuummi kiisalu sanaartornissamut Qasigiannguanut aamma Aasiannut pilersuinissamut atatillugu, tak. siunnersummi §§ 2-4. Aalajangersagaq taamaaqataa Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. 4, 22. november 2018-imeersumi § 18-imni atorneqarpoq.

#### *§ 9-mut*

Naalakkersuisut Pilersaarusiorneq aamma nunaminertat atorneqartarnerat pillugit Inatsisartut inatsisissaanni § 51 naapertorlugu aalajangersinnaapput pinngitsaaliisummik arsaarinnissinnaanermik, tamanna tamat atugarissaarnissaannik tunngaveqarpat. Aalajangersagaq ilanngunneqarpoq qularutigineqaqqunagu pilersaarutinut inatsit qanoq paasineqartussaanersoq. Pinngitsaaliisummik arsaarinnittoqarnissaa pisariaqalissappat aalajangiisuuvoq, ilaatigut kinguarsaasoqaqqunagu, apeqquserneqarsinnaanngitsoq arsaarinninnermut inatsisitigut tunngaviusut.

#### *§ 10-mut*

Aalajangersagaq imm. 1-imi aalajangiivoq ilassutitut piumasaqaateqartoqarsinnaanngitsoq stempelinut akitsuutinik Inatsisartut inatsisaat naapertorlugu sanaartukkanut atatillugu.

Imm. 2-imi aalajangersarneqarpoq stempelinut akitsummik akiliinnginnissami aamma ilaasut pappialaitit pigisanik nalilinnik tunniussinermut attuumassuteqartut.

*§ 11-mut*

Siunnersuutigineqarpoq Inatsisartut inatsisaat atortuulissasoq ulloq 1. januar 2022.

# **ILANNGUSSAQ**

## **Tusarniaanermi nalunaarut**

### **Uunga siunnersuut:**

**Inatsisartut inatsisaat nr. xx xx. xxx 2021-imeersoq Nuummi Qasigiannguani Aasiannilu  
erngup nukinganik nukissiorfissat taakkununngalu atortussat  
aniaagaasalersorneqarnissaannut ingerlanneqarnissaannullu sinaakkusersuutit**

#### **Aallaqqasiut**

Inatsisisatut siunnersuummi erngup nukinganik nukissiorfimmik sanaaartornissamut, aningaaasartaliinissamut aammalut ingerlatsinermut taakkununngalu Nuummut, Qasiannuanut Aasiannullu nukissiornikkut pilersuinermi atortussiaasunik sinaakkutissanik aalajangersaanissaq siunertarineqarpoq.

Nuummut pilersuinermi Kangerluarsunnguup Tasianit Erngup nukinganik nukissiorfiup annertusineqarnissaanut ilaatigut sakkortusaavimmi nutaamik pilersitsisoqartariaqartoq siunnersuutigineqarpoq. Tassunga ilanngullugu Kangerluarsunnguup Tasiani sakkortusaavioreersumut attaviilisoqassalluni aammalut tassunga atasumik teknikkikkut illutassamik, sillimmatissamik, angallannikkut attaviliineq allallu aamma atortussat attuumassutillit, sanaartukkat attavilersuinerillu inissitsiterneqassallutik, kiisalu aamma tatsip maanna pilersuisuusup Kangerluarsunnguup Tasiata tatsillu Isortuarsiup Tasiata akornanni sulluliamik pilersitsisoqassalluni.

Siunnersuutigineqarpoq Qasigiannguit aamma Aasiaat pilersorneqarnerani nutaamik erngup nukinganik nukissiorfimmik pilersitsisoqarnerani sakkortusaavimmi pilersitsinermik ilaqqassasoq, taannalu kangerluup Kangersunip eqqaanut inissinneqassalluni, aammalut tassunga atasumik teknikkikkut illutassamik, sillimmatissamik, angallannikkut attaviliineq allallu aamma atortussat attuumassutillit, sanaartukkat attavilersuinerillu inissitsiterneqassallutik, kiisalu tatsit Kuussuup Tasiata aamma Qinngap Ilulialeeraata akornanni sulluliamik pilersitsisoqassalluni, tassungalu aamma sakkortusaavimmiit taakkartorneqareertumit Qasigiannguanut Aasiannullu attaviliisoqassalluni.

Siunnersuut Qasigiannguanut Aasiannut pilersuinikkut erngup nukinganik nukissiuteqarnikkut suliaqartoqarnissanik kiisalu Nuummut pilersuinermi erngup nukinganik nukissiorfiup allineqarnissaanut Inatsisartut ukiakkut ataatsimiinnermi 2019 Naalakkersuisunut inassuteqaammik aalajangiussinerannut naapertuuppoq (UKA2019/153). Nukissiuteqarnikkut ataavartumik atuinerup annertusarneqarnissaa erngup nukinganik nukissiornermi suliniutini siunertarineqarpoq.

Aalajangiussassatut siunnersuummut ilanngunneqarsimavoq "Qasigiannguanut Aasiannullu erngup nukinganik nukissiorfik aamma Nuummut pilersuinermi erngup nukinganik nukissiorfiup allineqarnissaa pillugu Nalunaarusiaq".

Aammattaaq siunnersuutigineqartut minguitsuutitsinissamut tapertaaqataassaaq. Suliniutit Kalaallit Nunaani ataavartumik nukissiuteqartitsinissamut tapertaasinnaasut tassaapput Nuummut pilersuinermut erngup nukinganik nukissiorfiup allineqarnissaa kiisalu aamma Qasigiannguanut Aasiannullu pilersuinermi erngup nukinganik nukissorfimmik pilersitsinissaq. Ataatsimut isigalugu suliniutigineqartut Kalaallit Nunaanni pisortat nukissiuutinik ataavartumik pilersuinerat 70 pct. missaaniit 90 pct. missaanut annertusititsissapput. Tamanna Kalaallit Nunaata CO2-mik aniatitsinerani 2030-mi 114.000 tons-imit annertutigisumik appariaataassaaq.

Inatsisisstatut siunnersuut tamanut tusarniutigineqarsimavoq 18. maj 2021 tassani tusarniaanermi akissuteqaateqarnissaq 18. juni 2021-mut killiliussatut ullulerneqarsimalluni, matumani [www.naalakkersuisut.gl-im](http://www.naalakkersuisut.gl-im) pisortatigoortumik tusarniaassutigineqartunut quppernermi saqqumiunneqarsimalluni. Siunnersuut piffissami tassanissaaq oqartussaaffinnut tallimanut kiisalu peqatigiiffinnut, kattuffiunnut assigisaanullu 17-iusunut nassiunneqarsimavoq. Tusarniaanermi akissuteqaatinik oqartussaaffimmit ataatsimit aammalu peqatigiiffinnit pingasunit, katuffinnit assigisaannillu immikkoortoq "peqatigiiffit, oqartussaaffit assigisaallu tusarniaaffigineqarsimasut allattorsimaffii" ataani allattorsimasut naapertorlugit pissarsisoqarsimavoq.

Tusarniaanermi akissuteqaatit tusarniaanermi nalunaarut una ilanngullugu [www.naalakkersuisut.gl-ikkut](http://www.naalakkersuisut.gl-ikkut) tamanut takussutissiarineqarsimapput.

Tusarniaanermi akissuteqaatit akissuteqarfingineqarnissaannut Nukissiorfinnit ilassuteqaatinik pissarsisoqarsimavoq.

### **Inatsisisstatut siunnersuut pillugu ataatsimut oqaaseqaatit**

Tusarniaanerup takutippaa ataatsimoorussamik Kalaallit Nunaanni pisortat nukissiuteqarnikkut pilersuineranni erngup nukinganik nukissiorfinnik sanaartortitsinissaq pilersitsinissarlu mingutsitsinnginnerunissamut tapersorsorneqartoq.

Taamattaaq tusarniaanerup takutippaa, erngup nukinganik nukissiuuteqarnissamut aningaasaliinissamut inuiaqatigiinni aningaasaqarnikkut kingunerluutaasinnaasut pillugit naatsorsuutit ilutigalugit malittarisassat akuerineqarsimasut aallaavigalugit ingerlanneqassasut, kiisalu aamma aningaasaliinerit ataatsimut isigalugit pitsaasumik siunertalimmik inuiaqatigiinnilu aningaasaqarnikkut sipaarutaasinjaasumik ingerlanneqarnissaat pingaaruteqartoq.

### **Naalakkersuisut oqaaseqaataat**

Naatsorsuinerit takutippaa taakku erngup nukinganik nukissiorfinnut suliniutit marluk inuiaqatigiinnut sipaarutaanissaat. Kangerluarsunnguani nukissiorfiup allineqarnissaanut

aninggaasaliineq annerpaamik inuiaqatigiinnut sipaarutaassaaq. Annertussutsip allineqarneratigut Nuummi innaallagissiornikkut kiassarneq taamaatinneqarsinnaasoq annertuumik atorneqarsinnaalissaat tamannalu Nukissiorfinnit pilersuiffiqeqarsinnaalluni. Illuanik innaallagissiornikkut pilersuineq Nuummi annikillisinneqassaaq, matumani alliliineq pilersinneqanngippat imeq annertunerusoq erngup nukinganik nukissiorfimmit pilersuiffimmit tatsimit ilasarneranit piiarneqassamat. Ataatsimut Kangerluarsunnguani nukissiorfiup inuiaqatigiinni aningaasaqarnikkut sipaarutaasussaq 3,2 mia. kr. suliniutip piunissaanut pilersaarut malillugu missingersorneqarsimavoq. Maannamut nalinganut sanilliullugu erniassai 4 pct. inissinneqarsimapput taakkulu ukiuni 80-inut naatsorsorneqarsimallutik.

Qasigiannguanut Aasiannullu pilersuinermi erngup nukinganik nukissiorfimmit pilersitsinissaq inuiaqatigiinni aningaasaqarnikkut suliniutip piunerani maannamut nalinga sanilliussutigalugu sipaarutaasussat 300 mio. kr. naatsorsoqarneqarsimapput. Taamaattumik suliniut naatsorsuutit naapertorlugit piunissaa naatsorsuutigineqarpoq "Inuiaqatigiinni aningaasaqarnikkut kingunerisassat aallaavigalugit nalilersuinissamut ilitsersuut".

Naatsorsukkat takutippaat Qasigiannguanut Aasiannullu pilersuinermi erngup nukinganik nukissiorfimmik pilersitsinissaq aammalu Nuummut pilersuinermi Kangerluarsunnguani nukissiorfiup annertusineqarnissaa uuliamik atuinerup annikillingaatsiarnissaanik – taamaasillunilu aamma CO2.mik annikillisitsinermik erngup nukinganik nukissiorfinnut suliniutinut allanut sanilliullugu malitseqassasoq.

### **Qeqqata Kommunianit tusarniaanermi akissuteqaat**

Qeqqata Kommunianit tusarniaanermi akissuteqaammi saqqummiunneqarpoq inuiaqatigiinni aningaasaqarnikkut pitsaunerussasoq Nuummi Maniitsumilu erngup nukinganik nukissiorfiit pilersinneqarnissaat salliutinneqassappat. Qeqqata Kommunianit oqaaseqaatit sisamat akissuteqaammi saqqummiunneqarput:

1. *"Naalakkersuisut Nukissiorfinnit naatsorneqarsimasunut innersuussippuit, taakkulu takutippaat anersunerusumik erngup nukinganik nukissiorfinnik pilersitsinermi Maniitsoq Qas+Aas nikingassuteqanngitsut. Tamannattaaq Qeqqata Kommunianit siuliani allaaserisami aamma ilalerneqarpoq.*
2. *Qeqqata Kommunianit Qas+Aas erngup nukinganik nukissiorfinnik pilersitsinissap aningaasaqarnikkut akilersinnaanngitsutut Qeqqata Kommunianit taamaallaat oqariartuitigineqanngilaq, matumanili ullumikkumut periuserisaq inuiaqatigiinni aningaasaqarnikkut naatsorsuutit aallaavigalugit taperserneqarluni, tamannalu aamma Naalakkersuisunit Nukissiorfinniillu aamma tamanut nalunaarutigineqareersimavoq. Naalakkersuisut Nukissiorfiillu maannamut akilersinnaanerutut naliliissutaat nukissiorfiup ukiuni 80-ini piusinnaaneranut kingumut aningaasartuutaasussaraluit tunuliaqtaralugit naatsorsorneqarsimavoq. Missingersuutigineqartoq tamanna aningaasaqarnikkut innersuussutinik Naalagaaffeqatigiinnerup iluani angallannikkut*

- attavilersuinermut suliniutinut malittarisassanik avaqqussivoq. Matumani tusarniaanermi akissuteqaatigineqartoq tunngavilersuutinik ilaqarpoq.*
3. *Siusinnerusukkut allaaserineqarsimasutut inoquitiit arlallit Qas+Aas innaallagissiornikkut kiassarnermik atuilersinnaanissaq Maniitsumissaq aamma atuuppoq. Tassunga ilanngulluguttaaq Qeqqata Kommunianit eqqumaffigeqquneqarpoq Maniitsumi avassisumik kiassarnikkut pilersuiffik Qas+Aas annertunerungaatsiartoq erngup nukinganik pilersuinermut allanngortinneqarsinnaammat. Aningaasaqartuutissanik annertunerujussuarnik tamanna Qas+Aas assinganik ingerlanneqassappat kinguneqartussaavoq, matumani aningaasartuutaasussat erngup nukinganik suliniummi ilanngunneqarsimanngimmata.*
  4. *Qeqqata Kommunianit uuliamik pinaveersaartitsinermi mingutsitsinermilu minnerpaatitsinissamut tunngavilersuutigineqartut annerit tassaapput pingaarnersiuinerit eqqortut aalaavigalugit erngup nukinganik nukissiorfiit amerlanerusut pilersinnejarsinnaammata, piffissaq sukkannerusoq atorlugu, taamaasillunilu uuliamik pinaveersaartitsineq annertunerusoq mingutsitsinerlu annikinnerusoq pissarsiarineqassalluni, kiisalu aamma inuiaqatigiinnut aningaasatigut iluanaaqutissat annertunerussallutik.”*

Qeqqata Kommuniata oqaaseqaatinut sisamaasunut nangissutigalugu saqqummiuppa inatsisissatut siunnersuut Naalakkersuisut Nukissiamik Imermillu pilersuinermut suliassaqarfimmi pilersaarutaannut imatut attuumassuteqartoq: "Sinerissami ilaqtariit annertuunik sipaaruteqarlutik misigissasut pillugu anguniagaq 2, atugarissaarnerup pitsangorsarneqarneranut atorneqarsinnaasoq, kiisalu aamma inuiaqatigiinnut aningaasatigut iluanaaqutissat annertunerussallutik." "Sinerissami ilaqtariit annertuunik sipaaruteqarlutik misigissasut pillugu anguniagaq 3, maannakkut pilersaarutinut tunngatillugu Maniitsumi erngup nukinganik nukissiorfimmit salliuitsinnginnermi, sanngiillisinneqassasut. Maannakkut pilersaarutit Nukissiornermut suliassaqarfimmi pilersaarummi immikkoortunik makkuninnga aamma tunngavissiinngillat: 1. Immikkoortoq 6.3, tassani erngup nukinganik nukissiorfiit tunisinissamut tunngavissai aningaasaliissutinut illuatungiliissasut."

Qeqqata Kommuniata aamma oqaaseqaatinut sisamaasunut taakkununnga nangissutigalugu saqqummiuppa "Naalakkersuisut piginnituunermut politikkiat 2019"-mut tunngatillugu oqaaseqaatitut, saqqummiuppa "Iluatsinngitsumik erngup nukinganik nukissiorfinnik pingaarnersiuineq Namminersorlutik Oqartussanut aamma ingerlatseqatigiiffinnut tamaginnut Namminersorlutik Oqartussanit pigineqartunut sunniisussaavoq [...] Allatut oqaatigalugu pingaarnersiuineq pilersaarutigineqartoq iluatsinngitsorlu taanna innutaasunuinnaanngitsoq Namminersorlutillu Oqartussanuinnaanngitsoq, kisianni aamma aktiaatileqatigiiffiit aningaasaqarnerannut tunngasunut equisussaavoq."

Qeqqata Kommuniata aammattaaq nalunaarusiamut ilanngussaq innersuussutigaa "Dansk naalagaaffiata qularnaveeqqusiiineranut ilusiliineq – Angallannermi attaveqarnermut suliniutinik

annertuunik ingerlariaaseq misilitakkallu” ilanngussaq 1. Qeqqata Kommuniata equmaffigeqqua, sanaartugassani sivisuumik utertillugit akilersugassani piffissaq utertillugit akilersuffiusussaq, sanaartugassat piffissami atuuffissaannit sivikinnerujussuusussaasoq, nassuaammi nassuiarneqartoq. Piffissaq utertillugit akilersuffiusussaq ukiut 50-it sinnerlugit sivisussuseqarpat, suliassami annaasaqarsinnaaneq annertunerujussuanngussasoq, misilitakkat takutikkaat nalunaarusiammi eqqaaneqartoq, Qeqqata Kommuniata innersuussutigaa.

Kiisalu Qeqqata Kommuniata saqqummiuppa, nalunaarusiammi ”Kalaallit Nunaata aningaasaqarnera upernaaq 2021” allassimammat, aningaasaqarnermut politikkimut piumasaqaatit siunissami sinneqartooruteqarnissamik piumasaqaateqarnermik taarserneqartariaqaraluartut, oqimaaqatigiissitsinissamik piumasaqaatip ukkatarinissaanut taarsiullugu. Tassunga tunngatillugu Qeqqata Kommuniata oqaatigaa, Akiitsunut aningaasaliisarnernullu periusissiaq malillugu ukiuni arlalinni attaveqaatinut aningaasaliinerit aningaasaqarnermut politikkip attanneqarsinnaaneranik sanngiillisitsissanngitsoq, pingarnertut tunngaviusoq.

### **Naalakkersuisut oqaaseqaataat**

Maannakkumut A- imalunniit B-mik piffinni allani Qasigannguanit Aasianniillu pilersaarutit Kangerluarsunnguillu allineqarnissaannut eqqaassanngikkaanni pilersaaruteqartoqanngilaq. Ataani oqaaseqaatit Nukissiorfinnit aningaasaliissutinut takussutissiat tunngavigalugit suliarineqarsimasut ilanngunneqarsimapput, maannalu C-missingersuutit Maniitsumut allanullu suliarineqarluni.

Oqaaseqaat 1 pillugu: Ingerlatsinikkut aningaasartuutit imminut akilersinnaanerat eqqarsaatigalugu Qasigannguani Aasiannilu erngup nukinganik nukissiorfinnik pilersitsinissamut Maniitsumilu erngup nukinganik nukissiorfinnik pilersitsinissamut annertuumik nikingassuteqanngilaq. Nukissiorfinnit naatsorsuutit takutippaat, Maniitsumi erngup nukinganik nukissiorfiup atugaanissaa Qasiannguanit Aasianniillu annertunerusoq, illuanilli Qasigannguani Aasiannilu nukissiorfissaq marloriaatingajaanik Nukissiorfinnut iluanaarutaassalluni aammalu uuliamik pinaveersaartitsinera marloriaataalluni – taamaasillunilu CO<sub>2</sub>-mik aamma aniatitsinera Maniitsumi erngup nukinganik nukissiorfimmut sanilliullugu.

Oqaaseqaat 2 pillugu: Siuliani naatsorsorneqarsimasut paarlatsianik siunnersortit avataaneersut ”Inuiaqtigiinni aningaasaqarnikkut kingunerisinnaasat pillugit nalilersuinermut ilitsersuut” atorlugu missingersuusiorsimapput. Taamaattumik maannamut naatsorsuutit eqquunnerusutut naatsorsuutigineqarput. Qeqqata Kommunianit saqqummiunneqartoq atutseqqinnejqarpoq, matumani ukiuni 80-ni piusussaaneq aallaavigalugu missingersuutit ingerlanneqarsimanerat innersuussutigineqartunut naapertuutinngimmat. Ilumoorpoq, kingumut akiliutissatut ukiunut 80-nut naatsorsorneqarsimappat tamanna isornartorsiornarpoq.

Maannamut kommunip tungaanit ukiunut 80-nut kingumut akiligassatut isikkoqarnera paatsoornermit tunngaveqarpoq. Taakku ukiut 80-it piunissaanut inuiaqtigiinni aningaasaqarnikkut

naatsorsuinermi atorneqarsimapput ingerlatsinermilu aningaasartuutissanut naatsorsuussat ukiunut 30-nut missingersorneqarsimallutik. Inatsisissatut siunnersummut oqaaseqaatini Nukissiorfimmur kingumut aningaasartuutissat innersuussutit malillugit ukiuni 30-ni missingersorneqarsimanerat allaqqavoq. Ingerlatsinermut aningaasartuutissanut missingersuutit ersersippaat ukiuni 30-ni kingumut aningaasartuutissat sinneqartoornermik kinguneqartussat, taamaasilluni kingumut aningaasaartuutissanut piffissaliussaq naannerulluni. Taamaasilluni inuiaqatigiinni aningaasaqarnikkut ingerlatsinikkullu Kalaallit Nunaata aningaasartuutai pitsasuussapput. Kommuunimit oqaaseqaatit tunngavigalugit inatsisissatut siunnersummut oqaaseqaatit tulluussarneqarsimapput.

Oqaaseqaat 3 pillugu: Naliginnaasumik avassisumit kiassarnermut attaviup sinneqartoort innallaqissamik pilersitsinissamut imaluunniit eqqagassanik ikuallaanermut atorneqarnissaa imminut akilersinnaasutut inissimavvoq. Erngup nukinganik nukissiorfinnit innallaqissiorfimmur allangortitsinissaq innallaqissiornikkut kiassarnertut tamaatinneqarsinnaasutut imminut akilersinnaanerpaallunilu sillimaniarnikkut qulakkeerinniffiunerpaassaaq. Taamaattumik avassisumik kiassarnermut attaviup ilalerneqarnissaa maannamut attuumassuteqarpallaanngilaq.

Oqaaseqaat 4 pillugu: Qasiangannguanut Aasiannullu pilersuinermi erngup nukinganik nukissiorfimmik pilersitsinissaq uuliamik atuinissamik annertuumik pinaveersaartitsissaaq. Maniitsumi, Paamiuni kiisalu Qaqortumut Narsamullu pilersuinermi Qorlortorsuup allineqarneratigut annertoqataanik uuliamik pinaveersaartitsineq qulakkeerneqassappat erngup nukinganik nukissiorfinnik pilersitsisoqassaaq. Qasigiannguanut Aasiannullu pilersuinermut aningaasartuutissatut missingersuutit taakkunani sanaartornikkut ingerlatsisoqassappat aningaasartuutit sipporlugit naleqarnissaat missingersuutigineqarpoq. Taassuma saniatigut pilersinneqarnissaanut ataatsimut isigalugu sivisunerunissaa naatsorsuutigineqassaaq.

Eeqqaariikkatut Maniitsumut erngup nukinganik nukissiuteqarnikkut pilersuinissaq eqqarsaatigalugu nukissiorfiliornissamut aningaasatigut iluanaarutissanik missingersuuteqanngilaq maannamut. Qasigiannguanut Aasiannullu suliniut assigalugu pitsaaqutit assingusut pissarsiarinissaanut sukumiinerusumik misissuinerit ingerlanneqqaartariaqarput.

Qeqqata Kommuniata tusarniaanermut akissuteqaammi innersuussutigai: "Nukissiamik Imermillu pilersuinermut suliassaqfimmur pilersaarut", "Naalakkersuisut piginnittuunermut politikkiat 2019", "Danskit naalagaaffiata qularnaveeqqusinermut ilusiliineq – Angallannermi attaveqarnermut suliniutinik annertuunik ingerlariaaseq misilitakkallu", "Kalaallit Nunaata aningaasaqarnera upernaaq 2021" kiisalu "Akiitsunut aningaasaliisarnermullu periusissiaq – Nunami namminermi sanaartornermut pilersaarummut isummernissamut tunngavissiaq". Inatsisissatut siunnersuut tunngaviusunut inassuteqaatinullu nalunaarutit kommunimit taaneqartit imarisaaannut naapertuuttumik suliarineqarpoq. Tassani pingaartumik oqaatigineqassaaq, ingerlatsinermut

aninaasaqarnikkut misissueqqissaarerni ukiuni 30-ni utertitsilluni akiliinissaq atorneqarmat aammalu kommunimit ilimagineqartutut ukiut 80-it atorneqanngimmata.

### **Flemming Hybholtip tusarniaanermi akissuteqaataa**

Flemming Hybholt-imit aallaqqaasiullugu saqqummiunneqarpoq Nuummi innaallagissamik pilersuinerup annertusarneqarnissaa tulluarnerpaassasoq, taamaakkaluartorli erngup nukinganik nukissiornikkut Qasigiannuanut Aasiannullu inaallagissiornissamut pilersaarutit siunnersuutit allatut inissinneqarsinnaasut.

Siunnersuut alla Flemming Hybholt-imit saqqummiunneqartoq Rambøll-imit 2016-mi naatsorsorneqarsimasunik tunngaveqarpoq, matumanı Imarsuup eqqaani erngup nukinganik nukissiorfimmut 150 MW atsigisumut tunngassuteqarluni, ukiumut 1280 GWh-mik pilersuisinnaassutsimik annertussuseqarluni. Flemming Hybholtimit saqqummiunneqarpoq Rambøll-imit missingersorneqarsimasut aallaavigalugit Maniitsumut innaallagissamik 20 MW tikillugu pilersuisoqarsinnaasoq, taassumalu saniatigut annertussuseq sinneruttoq 130 MW-iusoq ammoniak-imik pilersitsinissamut atorneqarsinnaalluni piffinnut allanut pilersuinissamut naatsorsuussamik. Siullertut Nukissiorfinnit nunaqarfinni illoqarfinnilu erngup nukinganik nukissiorfeqarnissamut piviusorsiorpalaanngiffinni innaallagissamut kiassarnermullu pilersuinerani annertussuseq sinneqartoorutaasoq aatsitassarsiornermi suliniutinut kiisalu umiarsuarnut assartuutinut, kilisaatinut avammullu tunisassiornermut atorneqarsinnaavoq.

### **Naalakkersuisut oqaaseqaataat**

Inatsisissatut siunnersuummi erngup nukinganik nukissiorfimmik sanaaartornissamut, aningaasartaliinissamut aammalu ingerlatsinermut taakkunanngalu Nuummut, Qasiannuanut Aasiannullu nukissiornikkut pilersuinermi atortussiaasunik sinaakkutissanik aalajangersaanissaq siunertarineqarpoq. Siunnersuut Qasigiannuanut Aasiannut pilersuinikkut erngup nukinganik nukissiuteqarnikkut suliaqartoqarnissanik kiisalu Nuummut pilersuinermi erngup nukinganik nukissiorfiup allineqarnissaanut Inatsisartut ukiakkut ataatsimiinnermi 2019 Naalakkersuisunut inassuteqaammik aalajangiussinerannut naapertuuppoq (UKA2019/153).

Aaqqiissutaasinnaasoq alla Flemming Hybholtimit saqqummiunneqartoq taamaasilluni inatsisissatut siunnersuutigineqartoq avaqqullugu saqqummiunneqarpoq. Maluginiarneqassaarli aallaavigineqartut tusarniaanermi akissuteqaammi saqqummiunneqartut pitsaasummata, tamannalu ilutigalugu nukissiuteqarnermut politikimi minguitsuutitsinissamut pisussanut malinneqarsinnaalluni.

### **Kalaallit Nunaanni Sulisitsisut (GE) tusarniaanermi akissuteqaataat**

GE saqqummiuppa: “*Kisitsisit inatsisissatut siunnersuummi Kangerluarsunnguit allineqarnissaata imminut akilersinnaanissaanut uppernarsaasiipput, illuanik apeqquutit Qasigiannuan/Aasiannilu erngup nukinganik nukissiorfimmik pilersitsinissamut tunngassuteqartut*

*akissuteqaateqarfigineqarnissaat amigaatigineqarluni. Ataani allaqqasut assigalugit oqaaseqaatit saqqummiunneqarsimanerat aallaavigalugu inuiaqatigiinni aningaasaqarnermut piujuartitsinissamik qularnaveequsiinermut tikkuussisoqanngilaq:*

*"Nunap erngup nukinganik nukissiuteqarnissaanut periarfissaasut suliffinnik aningaasaliisussanillu nutaanik kajummissaataasussaapput suliffeqarfinnullu taakkununnga sinaakkutissanik pitsaasunik pilersitsissallutik, pingaartumik suliffissuit nukissiornikkut suliaqartuusut assersuutigalugu, aatsitassarsiornikkut, paasissutissanik toqqorsiviit, saviminileriviit brintinillu sanaartorfiit""*

GE-mittaaq saqqummiunneqarpoq aningaasartuutit inerniliussatut aalajangiisoqartinnagut coronami pisoq aallaavigalugu aningaasartuutit ilanngullugit missingersuutigineqartariaqartut.

### **Naalakkersuisut oqaaseqaataat**

Qulaani inatsisisstatut siunnersuummut oqaaseqaat issuarneqarsimasoq tamanut tusarniaassutigineqarnerani immikkoortoq 4-mi aningaasaqarnikkut allaffissornikkullu suliffeqarnermut kingunerisassat pillugit allaaserineqarsimasumi ilaavoq. Tamanna inuiaqatigiinni aningaasaqarnikkut kingunerisassat pillugit missingersuutinut Qasigiannguanut Aasiannullu pilersuinermut atatillugu erngup nukinganik pilersitsinissamut naatsorsuutinut ilaangilaq, matumani siunissami nukissiuteqarnikkut suliffissuarnut kujumissaarineq pineqartillugu. Tamannattaaq inatsisisstatut siunnersuummut oqaaseqaatini aamma ilaangilaq. Oqaaseqatigit oqaaseqaatinit paatsoornissaq pinaveersaartinniarlugu peerneqarsimavoq.

Inuiaqatigiinni- aamma ingerlatsinikkut aningaasaqarnikkut missingersuutit inatsisisstatut oqaaseqatini imm. 3 pisortanut aningaasaqarnikkut aamma allaffissornikkut kingunerisassat pillugit ilanngunneqarsimapput. Taakkunani allassimavoq Qasigiannguanut Aasiannullu pilersuinermi erngup nukinganik nukissiuteqarnissamut pilersitsinissamut 300 mio. kr sinnilaarlugit inuiaqatigiinni aningaasaqarnermut sipaarutaasussaasut. Taamaasilluni nalunaarsuiffik 7 naapertorlugu aningaasaliineq inuiaqatigiinnut peqqinnartuussaaq. Taamattaaq inerniliissutit ingerlatsinermi aningaasartuutinut naatsorsuussat malillugit ukiuni 30-nut missingersorneqarsimapput nalunaarsuiffillu 10 naapertorlugu Qasigiannguanut Aasiannullu pilersuinermi erngup nukinganik pilersitsinissat imminut akilersinnaanissaanut naapertuulluni."

Kalaallit Nunaanni Aningaasaqarnikkut Isumasioqatigiivisa 2021 upernaakkut nalunaarusiaanni saqqummiunneqarpoq siunissamut ungasinnermut qulakkeerinninniarnermi aningaasaliissutit ingerlanneqassasut, soorlu Kangerluarsunnguani aamma Qasigiannguan Aasiannilu aningaasaliissutit akiitsoqarnermut- aamma aningaasaliinermut anguniakkanut malittarisassat naapertorlugit ingerlanneqarsinnaappata. Tassunga ilaavortaaq akiitsoqalernissamut aningaaliinermi missingersuutigineqarpoq, aningaasaliineq ernianut aamma akilersuinermut matussusiisuussasoq, taamaasilluni ataatsimut aningaasaqarnikkut politikkut ataavartitsineq innarlerneqassanani.

Oqaaseqaatini imm. 2.2.3-mi allaaserineqarsimasutut erngup nukinganik nukissiorfinnut suliniutit pillugit erniat akilersuinerillu Nunatta karsianit taarsigassarsiorineqarsimasut atuisunit akilerneqassapput. Taassuma saniatigut erngup nukinganik nukissiorfeqarnissamut suliniutip nukissiuteqarnikkut pilersuinermi aningaasartutissat annikillineqarnissaat qulakkiissavaat, matumani erngup nukinganik nukissiorfiit uuliamik niuernissaq annikillisissammassut. Taamattaaq erngup nukinganik sulinitip pisortanit innaallagissamik nioqquteqarnermi innaallagissiornikkut kiassarnermut taamaatinneqarsinnaasumut allanngortinneqartussamik isertitat annertuseriassapput.

### **Sammisat aaliangersimasut pillugit inatsisissatut siunnersuummut oqaaseqaatit**

#### **Timmiaq-mit tusarniaanermi akissuteqaat**

Timmiaq-mit aallaqqaasiuttit suliniutip tapersorsorneqarnera nalunaarutigineqarpoq, matumani orsussat arrortikkuminaatsut minguitsuutitsinerunissamik taarserneqassammata.

Timmiaq Naalakkersuisunit Ramsar Naternaq (Lersletten) eqqummaariffigineqarmat nuannaarutigaa, taamaakkaluartorli ernumanartinneqarluni Aasianniit attaviliinermi piffik kallussaannejassappat, matumani Kalaallit Nunaanni timmissat Ramsar-piffinni aallunneqarnerat tunuliaqutaralugu. Timmiap tikkuarpaa pingaartumik silaannarmi aqqusersuutit timmissanut angisuunut, soorlu nattoralinnut, kiinaaleeqqanut aamma nerlernut apornissaannut aarlerinaateqartut aammalu timmissat taakkua akornanni annertuumik toqusqartarneranik malitseqartartut. Timmiaq naatsorsuutigaa Naalakkersuisut Ramsar-akisussaaffimminnik avatangiisinullu sunniutissat nalilersorluarneqarnissaannik eqquutsitsissasut

Timmiaq-mittaaq maluginiarneqarpoq oqaasertaliunneqarsimasoq ernumanarsinnaaffeqartoq "taamaassinnaavoq" inatsisissatut siunnersuummi § 5-mi allanneqarsimasut, taamaasillutillu aalajangiissutip allanngortinneqarnissaa siunnersuutigalugu Naalakkersuisut ASN-imik suliaqarnissaminnut pisussaatitaalernissaannik.

#### **Naalakkersuisut oqaaseqaataat**

Qaammat agustusi 2020 Nunalerinermet, Imminut Pilersornermet, Nukissiutinut Avatangiisinullu Naalakkersuisoqarfip Namminersornerullutik Oqartussat nalunaarutaat nr. 5 27. marts 2013-imeersoq sanaartugassat avatangiisinut sunniutaannik kiisalu avatangiisinut nakkutilliinissamut aningaasartutissat pillugit (ASN-imut nalunaarut) naapertorlugu suliniut ASN-iliornissamik pisussaaffiliinera aalajangiussimavaat. Taamaattumik suliniut pilersinneqartinnagu suliniutit avatangiisinut sunniutissai sukumiisumik nalilersuiffigineqassapput (matumani ASN-nalunaarusiamik taallugu) Ramsar-piffik Naternaq aammalu tunngavit aallunneqarsimasoq. Maannamut Naalakkersuisoqarfik Nukissiorfinnit (sanaartortitsisoq) suliniummut killiliissutinik nassiussinissaa utaqqimaarneqarpoq (Terms of Reference) ASN-ingerlaaseq akuersissutigineqareersimatillugu ingerlanneqarsinnaalerumaarmat. ASN-imut nalunaarut sap. ak. 8-ni tamanut tusarniutigineqassaaq, tassanngaanniillu Naalakkersuisunit suliniut

akuerineqassanersoq aalajangiiffigineqarluni. ASN-imut nalunaarut pisinnaatitsissutigineqassappat malittarisassanik malitseqartinneqassaaq, matumanit avatangiisut innarliisinnaanissat ingalassimatinniarlugu.

Oqaasertaliussaq ”taamaasinnaavoq” avatangiisut inatsimmi nr. 9 22. novemberi 2011-imeersoq avatangiisut illersuinissaq pillugu Inatsisartut Inatsisaat naapertorlugu suliniutip ASN-imut pisussaaffeqarneranik allannguinngilaq. § 5 paatsoortoqarnissaa pinngitsoorniarlugu peerneqarpoq.

**Peqatigiiffiit oqartussaaffiit assigisaallu akissuteqaataasa ataatsimut takussutissiarineqarneri**  
Inatsisissatut siunnersuut tamanut tusarniaassutigineqarsimavoq 18. maaji 2021 tassani  
akissuteqarsinnaanermut piffissaliunneqarluni 18. juuni 2021. Siunnersuut [www.naalakkersuisut.gl](http://www.naalakkersuisut.gl)  
tusarniaanermi quppernermi saqqummiunneqarsimavoq ullulerneqarluni 18/6 2021.

Siunnersummut tusarniaaneq toqqaannartumik ataani taakkartorneqartunut  
nassiunneqarsimavortaaq:

Avannaata Kommunia

Kommune Qeqertalik

Qeqqata Kommunia

Kommuneqarfik Sermersooq

Kommune Kujalleq

KANNUPE

SIK (Sulinermik Inuussutissarsiuteqartut Kattuffiat)

Grønlands Erhverv (GE)

Mittarfeqarfiiit

Royal Arctic Line A/S

Asiaq

Grønlandsbanken A/S

BankNordik

Visit Greenland

Transparency Greenland

WWF Greenland

KNAPK

Grønlands Naturinstitut

Timmiaq

KNI

Grønlands Nationalmuseum & Arkiv

**Ataani taakkartorneqartunit tusarniaanermi akissuteqaatisisoqarsimavoq**

- Flemming Hybholt
- Grønlands Erhverv (GE)

- Qeqqata Kommunia
- Timmiaq